

四庫全書

子部

欽定四庫全書

子部

御定淵鑑類函卷三百三十八

詳校官鴻臚寺少卿_臣梁景陽

主事_臣祁韻士覆勘

總校官進士_臣繆琪

校對官中書_臣孫梅

謄錄監生_臣史恒岱

欽定四庫全書

御定淵鑑類函卷三百三十八

州郡部五

浙江
福建

江西
廣東

浙江省一

增廣輿記曰按浙江負海倚山浙水中貫南走閩關北
通震澤西則接天都連信郡而東望滄溟亦宇內要津
也又曰杭州當山川江海之會南宋都焉然地鮮儲
積恒仰給他郡嘉湖稱澤國賦役與蘇松相埒浙西三

府之大概有然紹興古越都其俗纖嗇其人機變寧波
溫台濱海嚴衢當江閩孔道金華處州風氣剽悍浙兵
皆產二郡浙東八府之大概有然獨是比屋弦誦士多
君子之修則浙省所稱雄於天下者耳

浙江省二

增廣輿記曰杭州府禹貢揚州之域天文斗分野春秋
屬吳越戰國屬楚秦屬會稽東漢屬吳陳曰錢塘隋曰
杭州唐曰餘杭宋高宗南渡都此曰臨安元改杭州路

明為杭州府 國朝因之領縣九

錢塘仁和海寧富陽餘杭臨安於潛新城

昌化又曰嘉興府禹貢揚州之域天文斗分野春秋曰長

水曰樵李初為吳越分境後為越境秦為會稽郡地三

國吳曰嘉禾曰嘉興隋屬蘇州唐屬杭州五代曰秀州

宋曰嘉禾元曰嘉興路明為嘉興府 國朝因之領縣

七 嘉興秀水嘉善海鹽平湖桐鄉石門又曰湖州府禹貢揚州之域天文

斗牛分野古防風氏之國春秋屬吳越戰國屬楚曰菰

城秦曰烏程漢屬會稽丹陽三國吳曰吳興隋唐曰湖

州宋曰昭慶元明俱為湖州府

國朝因之領州一

吉安

縣六

烏程歸安長興
德清武康孝豐

又曰寧波府禹貢揚州之域天文

牛女分野三代皆為越地曰甬東秦置鄞鄮句章三縣

屬會稽隋曰越州唐曰明州宋元曰慶元明初為明州

府尋改為寧波府領縣五

國朝因之添縣一

鄞慈谿
奉化鎮

海象山
定海

又曰紹興府禹貢揚州之域天文牛女分野禹

會諸侯計功於此命曰會稽少康封少子無餘於會稽
奉禹祀號曰於越春秋時為越國秦置會稽郡屬吳東

漢徙會稽郡治山陰劉宋曰東揚隋唐曰越州宋曰紹

興元明曰紹興府 國朝因之領縣八

山陰會稽蕭山諸暨餘姚上虞

嵯新昌

又曰台州府禹貢揚州之域天文牛女分野春秋

戰國為越地秦屬閩中郡漢初屬東甌東漢曰章安三

國吳曰臨海梁曰赤城唐曰海州曰德化曰台州宋元

因之明曰台州府

國朝因之領縣六

臨海黃巖寧海太平天台仙居

又曰金華府禹貢揚州之域天文牛女分野春秋為越

西界秦屬會稽三國吳曰東陽梁曰金華陳曰縉州隋

唐曰婺州宋曰保寧元曰婺州明為金華府 國朝因

之領縣八

金華蘭谿東陽義烏永康武義浦江湯溪

又曰衢州府禹貢揚州

之域天文牛女分野春秋為越西鄙姑蔑地秦曰太末

東漢曰新安隋曰三衢唐曰信安曰衢州宋元因之明

初為龍游府後改為衢州府 國朝因之領縣五

西安龍游

江山常山開化

又曰嚴州府禹貢揚州之域天文牛女分野春

秋屬吳後屬越戰國屬楚秦屬會稽丹陽孫吳曰新都

晉曰新安隋唐曰睦州曰新定宋曰嚴州曰建德元仍

之明初為建安府後改為嚴州府 國朝因之領縣六

建德淳安桐廬又曰溫州府禹貢揚州之域天文斗牛
遂安壽昌分水

分野春秋戰國屬越秦屬閩中郡漢為東甌王國晉曰

永嘉唐曰東嘉曰溫州宋曰瑞安元曰溫州明為溫州

府 國朝因之領縣五

永嘉樂清瑞安平陽泰順

又曰處州府禹貢

揚州之域天文斗分野春秋戰國屬越秦屬會稽漢初

為東甌國晉為永嘉郡地隋曰處州曰括蒼唐曰括州

曰縉雲宋元復為處州明曰處州府 國朝因之領縣

十麗水青田縉雲龍泉松陽
遂昌慶元雲和景寧宣平

浙江省三

增風篁

月桂

方輿勝覽曰風篁嶺在府西脩篁怪石
風韻淒然一統志曰月桂峯在武林

山相傳月中桂子常墜此峯
生成大木其花白其實丹

竹閣

柏堂

又曰竹閣
在孤山唐

白居易詩曰晚坐松簷下宵眠竹閣間
又曰柏堂山
孤山有陳時柏二株僧志銓作柏堂與竹閣相連蘇軾

作孤山二
詠詩記之

茗溪

樟嶺

廣輿記曰茗溪在餘杭
統志曰樟嶺在富陽高出衆

峯

六井

雙溪

方輿勝覽曰杭瀕海水泉鹹苦唐李
泌始引西湖入城分為六井以便民

汲一統志曰雙溪在昌化溪中有洲水分南北過縣
復合湍聲澎湃巖谷響應宋范成大詩翠染南山擁縣

門一洲橫截兩溪分長官日
永無公事臥聽灘聲看白雲

瀑布

濯纓

又曰瀑布泉在昌化

玉嶺沿空飛瀉百餘丈四時不竭
又濯纓壇在柱石山北潭上有招隱亭

龍山

鷺嶺

方輿勝覽曰龍山在府南郭璞所謂龍飛鳳舞
州記云晉咸和中有西乾梵僧登武林山歎曰此山是

中天竺國靈鷲山之小嶺不知何年飛來乃創靈隱寺

黃山

紫溪

廣輿記曰黃山在餘

杭左大滌右天柱高出衆山之表
又曰紫溪在于潛源出天目

聚景

迎暉

一統志曰

聚景園在府西又
曰迎暉亭在臨安

呼猿洞

洗馬池

又曰呼猿洞在武林山宋

時西天僧慧理畜白猿于靈隱寺月明長嘯清音
滿室又曰洗馬池在鳳凰山下以上杭州府

鶴

湖鹿苑

又曰鶴湖在嘉善其中多蓴菜蘆葦風景幽
勝舊嘗產鶴故名方輿勝覽曰鹿苑寺在

海鹽宋魯宗道初宰此邑夢梵僧來迎及瞻寺中羅漢像即夢中所見

長水 橫山

廣興

記曰長水塘在府南秦始皇東遊至長水聞童謠曰水市出天子乃從此乘舟以應其謠 一統志曰橫山在海鹽唐顧况居此劉長卿詩云祇見山相掩誰言路尚通人來千嶂外犬吠百花中細草香含雨垂楊閒弄風

却尋樵徑去惆悵綠溪東

落帆

泊櫓

又曰落帆亭在府東又曰泊櫓山在海鹽秦始皇

東遊候潮渡海泊櫓於此

秀水亭

綺川館

又曰秀水亭在秀水又曰綺川館在海

鹽

鳳凰山

鴛鴦湖

記纂淵海曰鳳凰山在海鹽又曰鴛鴦湖在府城南

永興館

葵嚮閣

一統志曰永興館在府北又曰葵嚮閣在府東以上嘉興府

蒼雲

白露

又曰蒼雲嶺白 露湍俱在長興

玉竇

金山

又曰玉竇泉在

長興 又曰 金山在武岡

荻塘

梅溪

又曰荻塘山府南隋有沈恒居此災荻照書因以名

塘 又曰梅溪在安吉上多生梅每歲或開紫花一枝故號紫梅溪

西亭

南園

方輿勝覽

曰西亭在府西南下瞰苕溪 一 統志曰南園在府城安定門外

黃龍洞

白鹿山

又曰黃龍洞白鹿山俱在長興 以上湖州府

響巖

動石

又曰響巖山在府西南僻立千

仞下瞰流水每有聲響相答唐賀知章隱居于此 又曰動石山在鄞縣境山有堅石高五六丈下有小石支

之暴風雨則石自動行 於山者聞隆隆作聲

月湖

雪竇

廣輿記曰月湖在府西南方

輿勝覽曰雪竇山在奉化

碧沚

翠崖

廣輿記曰碧沚亭在月湖中 又曰翠崖山在府城

百花

三萼

一統志曰百花臺在府城中 記纂淵海曰三萼山在象山南海中山有三峯

亦名三仙島

龍洞

蛟門

一統志曰龍洞在象山洞中有石室廣數丈天將雨水如雷鳴

聞十餘里

又曰蛟門山在定海一名嘉門山

十洲

閣三江亭

又曰十洲閣三江亭俱在府城中

花嶼湖

煙波館

又曰

花嶼湖在慈谿一名花野

又曰煙波館在府東以上寧波府

梅市

蘭亭

廣輿記曰

梅市在府西以梅福名

方輿勝覽曰蘭亭在山陰晉王羲之與諸賢會處

寶林

錦阜

廣輿記曰寶林山在府東北右軍居此遇一老姥賣扇右軍題其扇頭姆有愠色及出人爭買去明日姥乃持

扇求書右軍笑而不答

又曰錦阜山在府西北山自蜀飛來

石室

金庭

一統志曰石室

在上虞室廣數丈高丈餘葛稚川所居

記纂淵海曰金庭在嵯縣晉王羲之讀書樓捨為觀唐賜名為金庭

洞天

蘭渚

葛山

又曰蘭渚在府南即王羲之曲水賦詩處一統志曰葛山在府東句踐

種葛於此使越女治布獻吳王採葛人歌曰嘗膽不苦味採葛以作絲

月臺

風洞

與方

勝覽曰月臺在鎮越堂前宋王十朋詩明珠遙吐臥龍頭漸覺清光萬里浮人望使君如望月更須如鏡莫如

鉤

一統志曰風洞在刻石山遇風雨聞鼓樂聲

筆倉

墨池

又曰筆倉在五雲山顯聖

寺後晉王獻之筆倉天章寺有羲之墨池遺迹

又曰

鵞池

鰻井

又曰鵞池在蕭山晉

王羲之善筆札性復好鵞所在穿池滌墨其傍必有牧鵞之所此池是也又曰鰻井在府龜山井有靈鰻

時出宋陸游詩鰻井初生一縷雲鮑郎山下雨昏昏鱗聲嘔軋秋空曉水際人家尚閉門

鍊塘

浣浦

又曰鍊塘在府城東越絕書句踐烹炭在此或云鑄劍亦此處又曰浣浦在諸暨一名浣渚西子

浣紗於此

披雲

落星

又曰披雲樓在府治 又曰落星石在曹娥江高七八尺潮至不沒

金疊井

石匱山

記纂淵海曰金疊井在上虞一統志曰石匱山在府東南山形如

匱相傳禹治水畢藏書於此 以上紹興府

玉峴

瓊臺

又曰玉峴在府東舊名黃石山

洩水九層沿崖注落如白練 廣輿記曰瓊臺山在天台又有雙闕兩峯萬仞屹然相向孫綽賦雙闕雲聳而

夾道瓊臺中 天而懸居

風穴

雷山

一統志曰風穴在寧海昔有僧曇猷暑行至此以杖

卓石取風遺迹猶存 又曰雷山在寧海葛元煉丹處其山有三十六峯

龍鬚

象鼻

又曰

龍鬚泉在天台西寒巖洞口噴薄如龍鬚因名 又曰象鼻巖在府西

參雲

摘星

又曰

參雲亭在府治後山上 又曰摘星巖在寧海宋左緯詩已知星可摘須信路難通日影穿雲薄天形入水空

銀地

銅溪

又曰銀地嶺在天台與金地嶺相接
又曰銅溪在天台其水黃如銅汁

萬竹山

八桂嶺

廣輿記曰萬竹山在仙居絕頂曰新
羅九峯回環叢薄數秀宋薛昂避寇

於此一統志曰八桂嶺在天台北孫
綽賦八桂森挺以凌霄以上台州府

花溪

月榭

又曰花溪在永康清淺可愛方春桃紅
李白夾堤如繡又曰月榭在府城上

石馬

金鷺

又曰石馬澗在東陽又曰金鷺塘在義烏
昔人欲疏此塘以通豐江有金鷺飛出而止

畫溪

繡川

廣輿記曰畫溪在東陽一名東陽江羣山縈
連草木如畫記纂淵海曰繡川湖在義烏

鶴

巖龍峯

一統志曰鶴巖山在東陽相傳昔有三白鶴
飲泉於此已而尋其蹤但見三石立巖下

又曰龍峯山在浦
江以上金華府

采月

觀星

又曰采月臺在府城
中又曰觀星山在

江山

芹嶺 芟池

又曰月芹嶺在開化與遜嶺相連並峙其高切雲 又曰芟池在府城中

鹿溪 龍井

又曰鹿溪在江山 又曰龍游有龍井二皆深不可測林木幽僻上有瀑泉

雲山閣 月波亭

又曰雲山閣在府城內 廣輿記曰月波亭在開化金錢山宋建朱

文公詩潺潺流水注回塘中作平臺受晚涼四面不通車馬迹一樽聊飲芟荷香 以上衢州府 桂

館 橋山

一統志曰桂館在府西北 又曰橋山在府南絕頂有羅浮橋一株

龍潭

龜石

又曰龍潭在桐廬 又曰龜石在壽昌昔有龜伏草間化為石

白水

朱池

又

白水湖在桐廬 記纂淵海曰朱池在府西漢朱買臣有祠

垂雲洞

聚星橋

一

志曰垂雲洞在桐廬中有石門洞穴又有石堂可容百 又曰聚星橋在淳安縣宋時近橋有邵氏前後五

人登第
故名

鶴迹石

龍耳山

又曰鶴迹石在淳安石高五丈許上有鶴迹九長徑

尺許旁有馬虎迹相蹂雜神號大姥若冠至則神鼓先鳴以示兆

又曰龍耳山在遂安山有以上嚴州府

象浦

龍湫

方輿勝覽曰象浦在樂清又曰龍湫在平陽雁蕩山宋范宗尹詩龍湫信奇

絕飛泉落雲間

問月

觀潮

一統志曰問月臺在府東楊蟠詩清光更有處莫只照金尊

又曰觀潮閣在瑞安

集雲山

飛霞洞

又曰集雲山在瑞安記纂淵海曰飛霞洞在

積穀山仙人劉根嘗於此乘霞至天台

紫芝觀

紅梅閣

一統志曰紫芝觀在樂清

又曰紅梅閣在舊郡治舊名紅霞閣簷外有紅梅二株以上温州府

竹峪

梅山

又

竹峪嶺在松陽又曰梅山在擇山東南

浣沙

瀑布

廣輿記曰浣沙溪在青田謝靈運遊

石門洞至此遇二女浣紗水邊靈運作詩嘲之一女亦
答以詩須臾不見一統志曰瀑布山在縉雲北飛泉

洒落三百餘丈

噴雪

凝霜

廣輿記曰噴雪亭在青田石門洞一統志曰凝霜閣在府治

後趙廡詩脩竹蕭蕭三兩竿公餘時得靜
中看何須更避人間暑滿腹冰霜六月寒

突星瀨

半月泉

廣輿記曰突星瀨在府東晉王羲之遊此嘆其
奇絕遂書突星瀨三字勒石後里人苦於模榻

推墮潭中

又曰

金田山

玉泉池

一統志曰金田山在青田縣

又曰玉泉池在縉雲
雙龍洞下其潔如玉

拂雲亭

棲霞寺

廣輿記曰拂雲亭在府內

少微閣下
寺在青田

一統志曰棲霞
以上處州府

浙江省四

增詩唐孟浩然送謝錄事之越詩曰清旦江天迥涼風
西北吹白雲向吳會征帆亦相隨想到耶溪日應探禹
穴竒仙書倘相示余在此山陞李白送人尋越中山
水詩曰聞道稽山去偏宜謝客才千巖泉灑落萬壑樹
縈迴東海橫秦望西陵繞越臺湖清雙鏡曉濤白雪山
來八月枚乘筆三吳張翰杯此中多逸興早晚向天台
又送王屋山人魏萬詩曰縉雲川谷難石門最可觀
瀑布掛北斗莫窮此水湍噴壁灑晴雪空濛生晝寒却

思惡溪去寧懼惡溪惡咆哮七十灘水石相噴薄路創

李北海巖開謝康樂白居易杭州春望詩曰望海樓

明照曙霞護江堤白踏晴沙濤聲夜入伍胥廟柳色春

藏蘇小家紅袖織綾誇柿蒂青旗沽酒趁梨花誰開湖

寺西南路草綠裙腰一道斜又餘杭形勝詩曰餘杭

形勝四方無州傍青山縣枕湖遶郭荷花三十里拂城

松樹一千株夢兒亭古傳名謝教妓樓新道姓蘇獨有

使君年太老風光不稱白髭鬚劉禹錫寄東陽令詩

曰東陽本是佳山水何況曾經沈隱侯化得邦人解吟
詠如今縣令亦風流新開潭洞疑仙府遠寫丹青到雍
州落在尋常畫師手猶能三伏凜生秋杜牧睦州詩
曰州在釣臺邊溪山實可憐有家皆掩映無處不潺湲
好樹鳴幽鳥晴巒入野煙殘春杜陵客中酒落花瓣
方干越中言事詩曰異日含和合聖明湖光浩氣去澄
清郭中雲吐猿啼寺山上花藏調角城香起荷灣停棹
飲絲垂柳陌約鞭行遊人今日又明日不覺鏡中新髮

生 又曰雲霞水木共蒼蒼元化分功秀一方百里湖
波輕撼月五更軍角慢吹霜沙邊賈客喧魚市島上潛
夫醉筍莊終歲逍遙仁術內無名甘老買臣鄉 又送
人遊天台詩曰東南去路落斜行入樹穿邨見赤城遠
近常聞皆藥氣高低無處不泉聲映巖月向城頭沒濕
竹雲從柱底生更有仙花與靈草恐君多半不知名

鄭谷寄獻湖州從叔員外詩曰顧渚山邊郡溪將罨畫
通遠看城郭裏全在水雲中西閣歸何晚東吳興未窮

茶香紫筍露洲迴白蘋風歌緩睂低翠杯明蠟翦紅政

成尋往事輟棹問漁翁 宋蘇軾新城道中詩曰東風

知我欲山行吹斷簷間積雨聲嶺上晴雲披絮帽樹頭

初日掛銅鉦野桃含笑竹籬短溪流自搖沙水清西崦

人家應最樂煮芹燒筍餉春耕 元薩都拉過嘉興詩

曰三山雲海幾千里十幅蒲帆掛秋水吳中過客莫思

家江南畫船如屋裏蘆牙短短穿碧沙船頭鯉魚吹浪

花吳姬蕩漿入城去細雨小寒生綠莎我歌水調無人

續江上月涼吹紫竹春風一曲鷓鴣詞花落鶯啼滿城
綠 明孫養湖州樂詩曰湖州溪水穿城郭傍水人家
起樓閣春風垂柳綠軒窓細雨飛花濕簾幙四月五月
南風來當門處處芰荷開吳姬畫舫小於斛蕩漿出城
沿月回菰蒲浪深迷白紵有時隔花聞笑語鯉魚風起
燕飛斜菱歌聲入鴛鴦渚

江西省一

增廣輿記曰按江西三面距山背沿江漢當吳楚閩粵

之交地瘠而窄民悍而爭然樸質儉苦有憂勤之思故
秀傑之士往往出於其間 又曰南昌其都會也雄踞
上流者九江也贛州介在南服南安阻憑庾嶺南康饒
州夾彭蠡以列壤而撫州吉安人才獨甲諸郡亦地靈
然歟建昌事簡而殷瑞州地僻而阜廣信衝而疲臨江
衝而逸袁州密邇楚境逋民客戶綏馴維艱此江右之
大較也

江西省二

增廣輿記曰南昌府禹貢揚州之域天文斗分野春秋戰國為吳楚之交秦屬九江郡漢屬豫州晉曰江州宋齊梁陳並為豫章隋唐曰洪州南唐遷都于此曰南昌宋元曰隆興明初置洪都府尋改南昌國朝因之領

州一寧縣七

南昌新建豐城進賢奉新靖安武寧

又曰瑞州府禹貢揚州

之域天文斗分野春秋屬吳戰國屬楚秦屬九江漢屬

豫章郡唐曰靖州曰米州曰筠州宋曰高安元曰瑞州

明為瑞州府

國朝因之領縣三

高安新昌上高

又曰饒州府

禹貢揚州之域天文斗分野春秋時楚東境後屬吳戰國屬楚秦曰鄱陽屬九江郡漢屬豫章梁曰吳州隋唐宋曰饒州明初為鄱陽府後改饒州府 國朝因之領

縣七

鄱陽餘干樂平德興浮梁安仁萬年

又曰南康府禹貢荊揚二州之

域天文斗分野春秋為吳楚地戰國屬楚秦屬九江郡曰星渚漢為彭澤地屬豫章唐屬江州宋元曰南康明

為南康府 國朝因之領縣四

星子都昌建昌安義

又曰九江府

禹貢荊揚二州之域天文斗牛分野春秋為吳楚地秦

屬九江郡漢屬豫章東漢屬彭澤魏屬武昌晉曰潯陽

梁曰江州隋曰九江宋曰定江元曰江州明曰九江府

國朝因之領縣五

德化德安彭澤瑞昌湖口

又曰廣信府禹貢揚

州之域天文斗分野春秋戰國雜隸吳楚秦屬會稽郡

漢為餘汗太末二縣地唐宋曰信州隸江南元曰信州

隸浙江明為廣信府

國朝因之領縣七

上饒玉山弋陽貴溪鉛山

永豐興安又曰撫州府禹貢揚州之域天文斗分野春秋時

吳境戰國屬楚秦屬九江郡漢屬豫章三國吳曰臨川

隋唐宋元曰撫州明為撫州府 國朝因之領縣六

臨川

崇仁金谿樂安宜黃東鄉

又曰建昌府禹貢揚州之域天文斗分野

春秋吳境戰國屬楚秦屬九江郡漢屬豫章曰盱江三

國吳曰臨川南唐曰建武宋元曰建昌明為建昌府

國朝因之領縣五

南城新城南豐廣昌瀘溪

又曰吉安府禹貢荆揚

二州之域天文斗分野春秋屬吳戰國屬楚秦屬九江

長沙二郡漢曰廬陵三國吳曰安城隋唐宋曰吉州元

明俱吉安府 國朝因之領縣九

廬陵泰和吉水永豐安福龍泉萬安永新

永又曰臨江府禹貢揚州之域天文斗分野春秋屬吳

後屬越秦屬九江郡漢豫章地隋唐洪吉二州地宋元

曰臨江明為臨江府 國朝因之領縣四

宜江新淦新喻峽江

又

曰袁州府禹貢揚州之域天文斗分野春秋屬吳戰國

屬楚秦屬九江漢曰宜春三國吳屬安城郡唐宋元曰

袁州明為袁州府 國朝因之領縣四

宜春分宜萍鄉萬載

又曰

贛州府禹貢揚州之域天文斗分野春秋屬吳越戰國

屬楚秦屬九江漢曰章貢屬豫章郡晉曰南康隋唐曰

虔州宋元曰贛州明為贛州府 國朝因之領縣十二

贛寧都信豐興國寧都瑞金會
昌定南龍南安遠石城長寧

又曰南安府禹貢揚州

之域天文斗分野春秋屬吳戰國屬楚秦屬九江漢屬

豫章郡曰橫浦隋唐屬虔州宋元曰南安明為南安府

國朝因之領縣四

大庾南康
崇義上猶

江西省三

增蛟穴

龍湫

一統志曰蛟穴有二一在豐城東一在
豐城西其中積水四時不竭 記纂淵

海曰龍湫在豐
城有石可琢硯

劒池

丹井

又曰劒池在豐城西南
晉雷煥得龍泉太阿二

劍處梁陰鏗詩清池自湛淡神劍久遷移無復連星象
空餘似月池 一統志曰丹井在府西宗華觀南乃彭

真君
舊宅

繡谷

華林

又曰繡谷山在靖安名幽谷山
又曰華林山在奉新一名浮雲山

三峯秀拔土人嘗伺
雲氣卷舒以驗晴雨

西山

南浦

廣輿記曰西山在
府西道書第十二

洞天中有梅嶺即梅福修道處有鶴嶺即王子喬跨鶴
處其最勝者曰天寶洞宋嘗遣使投金龍玉簡於此

方輿勝覽曰南浦亭在府城廣潤
門外往來艤舟之所唐已有之

投書渚

磨劍池

記纂淵海曰投書渚在府西石頭渡殷羨投書
處 又曰磨劍池在寧縣東許真君磨劍於此

日月

湖
風雨山

方輿勝覽曰日月湖在進賢識云日月湖
明良將出一統志曰風雨山在府西北

一名梅福種蓮池唐張九齡禱雨屢應乃
奏立風雨池廟以祀之 以上南昌府

飛霞噴

雪

又曰飛霞山在府西吳真人鍊丹之地每齋醮常有鶴數百棲息於此山多綠霞故名又曰噴雪泉在

府城泉水噴湧如雪

待月

凌雲

廣輿記曰待月軒在府東大愚山上 一統志曰凌雲閣

在城內

金石

珠湖

又曰金石在上高蜀江中又曰珠湖在府城南世傳丁王二仙遺

珠於此

劍池

琴嶺

廣輿記曰劍池在府治後圃仙人李八百淬劍於此中產白蓮一

統志曰琴嶺在府南

黃鳳

白鶴

又曰黃鳳山在上高昔有黃鳳集此又曰白鶴山在府

西北東晉丁仙姑騎鶴白日飛昇故名

以上瑞州府

金魚

玉馬

又曰金魚山在浮梁

宋程節父以漁釣為業有異人指其卧榻曰異日葬此子孫當為望族後節與弟子俱顯榮又曰玉馬山在

餘干山下有白石如馬

華山

錦江

又曰華山在安仁山最奇秀類池州九華又曰錦

江名安仁港源發廣信府江有雲錦石

乘風看雲

又曰乘風亭在寇山右有登覽之勝

天氣晴明則望見廬山雲樓在安仁元吳全節伏老之所

又曰看

五彩

九英

又曰五彩

山在餘干戰國時吳申自鄱陽徙居之生子芮時山有五彩雲氣

又曰九英山在浮梁唐甯殷居其下殷有

九子據此以禦黃巢後人因呼此山曰九英

淬劍

流杯

又曰淬劍池在德興相傳漢吳

芮淬劍處又曰流杯池在府西南宋范仲淹鑿

芝山

梅巖

又曰芝山在府北廣興

記曰梅巖在餘干藏山上趙汝愚嘗讀書於此理宗為題梅巖二字

芙蓉峯

芭蕉山

一統志曰芙蓉峯在樂平狀如芙蓉山在浮梁翠巖插空望之如蕉林

又曰芭蕉以上饒州府

珠

溪

玉澗

北記纂淵海曰珠溪在都昌又曰玉澗在府

然清夜月明時祇今已是無心久却怕山前荷蕢知

五柳

萬杉

廣輿記曰五柳館在府西

即陶淵明故宅杉寺在廬山僧大超植杉萬本

方輿勝覽曰萬

東臺

西澗

一統志曰

東臺在府治內黃犢往來其地山僧結茅待之朱子守郡時作亭其上

廣輿記曰西澗在府西宋劉渙嘗乘

取黃庭堅詩誰能四十年保此清淨退榜曰清淨退菴

龍溪

象山

一統志曰龍溪象山

俱在府西南隅以上南康府

齊雲

浸月

又曰齊雲樓在府東北又曰浸月亭在府西

有土墩圓如月唐白居易作亭其上後人因其別時茫茫江浸月之句而名

擲筆

洗墨

廣輿記曰擲筆峰在大林峯之北慧遠於此地作涅槃經疏一統志曰洗墨亭在湖口陶潛鑿以滌硯者

飛魚

歇馬

廣輿記曰飛魚逕在府西晉吳隸築魚寨於湖忽聞空中云晚有大魚攻寨勿

殺須臾大魚果至羣魚從之隸誤殺大魚是夕風雨橫作魚悉飛樹上一統志曰歌馬臺始皇至廬山歌馬

也處六角九疊又曰六角亭在彭澤又曰九疊樓在府治後唐刺史李渤建因對廬山

九疊故名玉溪石室方輿勝覽曰玉溪在玉山縣前廣輿記曰石室在

弋陽神石仙巖又曰神石在弋陽橫出大溪捍截東流縣治賴此無衝潰之患一統志

曰仙巖在貴溪峯巒削立高出雲表巖石嵌空多為洞穴房室窓牖牀榻倉廩棺槨雞犬禽鳥之狀共二十四

巖鶴山龍窟又曰鶴山在永豐縣六石三峯又曰龍窟山在貴溪

又曰六石峯在永豐雲臺風洞廣輿記曰雲臺與藐姑對峙唐

葉天師得道之所旁有龍鬚井天師嘗於井上吹鐵笛聲聞數里一統志曰風洞在貴溪常有風寒噓吸趙

孟顓詩石壁何崆峒中有風冷然安知列禦寇不向此中仙

銅山

錢倉

方輿勝覽曰銅

山在上饒南廣輿記曰錢倉在弋陽有巨石臨水如廩高數丈號曰錢倉晉時有漁人遇石開其錢自出

金鳳

玉蛇

一統志曰金鳳山在弋陽山有奇石迴旋如鳳又曰玉蛇橋在玉溪上以

上廣信府

朱井

紅泉

又曰朱井在府學文廟西廡下其泉清冽又曰紅泉在府城西銅

山下謝靈運詩石磴瀉紅泉

玉田

金窟

廣輿記曰玉田在崇仁即蕭子雲種玉處一

統志曰金窟山在金谿縣前代採金之所

明水

疎山

又曰明水寺在府西有石雙立號石

門關夾道多古松開池種蓮號十里松風九曲蓮池方輿勝覽曰疎山在金谿唐有何仙舟棄官讀書於此

遺址尚存

鯉石

鰲溪

一統志曰鯉石在崇仁琴高先生於此修煉所乘之鯉化而為石

又曰鰲溪水在樂安源出芙蓉山

五峯 三港

方輿勝覽曰五峯堂在州宅用南豐詩中

語一統志曰三港水在金谿源出崖山

金石臺

錦繡谷

廣輿記曰金石臺在府西

有石峯五第五峯曰金石臺舊與第三峯聯屬後石洲水流其中故有金石臺分丞相出之語宋晏殊王安石相繼拜相一統志曰錦繡谷在金谿宋王安石詩還家一笑即芳辰好與名山作主人邂逅五湖乘興往相邀錦繡谷中春

擁青 照碧

又曰擁青閣在南城廣輿記曰照碧亭在新

城左面石峽下臨深潭

筆架

墨池

一統志曰筆架峯在南豐三峯如筆架狀又曰墨

池在南豐宋曾鞏洗硯之所

南潭

西池

記纂淵海曰南潭在南豐一統志曰西池在

府西舊有清暉水心冉香碧圓垂絲漣漪六亭環列其上

金嶂山

石壁潭

又曰金嶂

山在南豐根盤百餘里高十餘里廣輿記曰石壁在廣昌臨水石壁高三十餘丈上有海眼昔里人祿甌於溪水漂去至龍潭而沒一日樵者在石壁上俯瞰海眼見一物以繩出之即所祿甌也以上建昌府

雙鳳

十龍

一統志曰雙鳳山在泰和兩峯相連秀拔如鳳又曰十龍巖在泰和南廣可容百

餘人適軒快閣又曰適軒在安福黃庭堅詩琳宮接叢霄綠水連翠微幽花露林薄好鳥

娛清暉道人勤灑埽令君每忘歸又曰快閣在泰和江水廣遠景物清華

雪浪

雲騰

又曰雪浪閣在吉水呂洞賓詩褰裳懶步尋真宿清景一宵吟不足月在碧潭風在松何必洞天三十六又

曰雲騰廟在府西唐吉州刺史吳世雲罷政隱玉笥山道成仙去

日岡

月山

方輿勝覽

曰日岡在吉水北廣數丈其圓如日一統志曰月山在安福西山嶺有石如月

文溪

武

山

記纂淵海曰文溪在泰和一統志曰武山在泰和明劉崧詩武山千尺石為城縹緲西來紫翠橫

琴亭

書岡

廣輿記曰琴亭水在永新石潭水落淒清如琴一統志曰書岡在安福怪石層聳

其巔有平石為淵明讀書臺以上吉安府

銀嶂

玉筍

又曰銀嶂山在府東北峙立如

屏幃

廣輿記曰玉筍山在新淦道書第十七洞天漢梅福梁蕭子雲修道處上有三十三峯

桂湖

竹坡

一統志曰桂湖在新淦廣輿記曰竹坡在新淦宋謝諤居此

黃金水

碧

玉池

一統志曰黃金水在新淦廣輿記曰碧玉池在玉笥山上以上臨江府

浮香

聳翠

廣輿記曰浮香樓在府治一統志曰聳翠峯在府西峭壁孤峙平原之上唐盧肇詩巍巍直上插

青天遠疑似與青天連登臨下視羣山小千里平鋪在目前

鳴玉

響石

廣輿記曰鳴玉

池在府治內唐刺史張恭鑿一統志曰
響石在府城南獅子嶺後聲搏響谷故名
雲峯雪

谷又曰雲峯洞在萬載又
曰雪谷潭在府南仰山上
梯雲樓
棲霞閣又曰

樓在仰山上方輿勝覽曰棲
霞閣在府城內以上袁州府
玉房
石塔記纂淵

房山在府東南又名赤石山有玉房瓊室一統
志曰石塔在信豐塔高九層而無影影見則番至
錦

屏
寶蓋又曰錦屏山在府北狀如屏風
梅嶺
桃

江又曰梅嶺在寧都廣輿記曰
桃江在信豐源出龍南桃山
凌雲
御風一統

凌雲亭在金精山漢女張麗英飛
昇之所又曰御風亭在府西
螺亭石
鳳湖山

又曰螺亭石在府東昔貧女採螺為業暮宿此亭為衆
螺囁其肉死焉殯其旁化為巨石螺殼無數宋蘇軾詩

薄暮漁樵人去盡碧溪青嶂遠螺亭又曰鳳湖山在信豐南上有池井以上贛州府

蕉溪

筍石

又曰蕉溪源發南康宋蘇軾詩蕉溪閒試雨前茶又曰筍石在上猶有大小二石峙立若笋

銀渡

玉潭

又曰銀渡館在南康西玉潭館在南康北二館俱宋保佑間建

涼熱水

溫冷泉

又曰涼熱水在府西水源一溫一冷熱水池圍二丈餘深尺餘流四步合涼水東流又

曰溫冷泉在上猶泉自山溢達於江濱瀾而為二一溫一冷以上南安府

江西省四

增詩宋謝靈運詩曰攀巖照石鏡牽葉入松門三江事

多往九派理空存唐李白詩曰廬山東南五老峯青

天削出金芙蓉九江秀色可攬結吾將此地巢雲松

韋莊詩曰南昌城郭枕江煙漳水悠悠浪拍天芳草綠
遮仙子宅落花紅襯賈人船 又袁州詩曰家家生計

只琴書一郡清風似魯儒山色東南連紫府水聲西北
屬洪都煙霞盡入新詩卷郭邑閒開古畫圖正是江邨
春酒熟更聞春鳥勸提壺 姚合送張使君詩曰鄱陽

盛事聞難比千里連連是稻畦山寺去時通水路郡圖
開處得詩題 羅隱上江州陳員外詩曰寒江九派轉

城樓東下鍾陵第一州人自中臺方貴盛地從西晉即

風流舊班久望鵷晴翥餘力猶聞虎夜浮應恨屬官無

健令異時佳節阻閒遊 張濱鵞湖詩曰鵞湖山下稻

梁肥狔柵雞棲對掩扉桑柘影斜春社散家家扶得醉

人歸 宋王安石詩曰分野遺荆俗經綸屬漢疆蒲輪

徐孺子錦幄許旌陽 又烏塘詩曰烏塘渺渺綠平堤

堤上行人各有攜試問春風何處好辛夷如雪柘岡西

蘇軾塵外亭詩曰楚山澹無塵潁水清可厲散策城

外遊麾手謝斯世高山惜人力十步輒一憩却立浮雲
端俯視萬井麗幽人宴坐處龍虎為斬薶馬駒獨何疑
豈隨山鬼計夜垣非助我謬敬欲其逝戲留一轉語千
載起攘袂 陳堯佐詩曰南昌為郡好樓閣枕江濳地
煖春生早山寒日下遲 曾鞏送撫州錢郎中詩曰名
郎原是足風流得郡東南地更優翠幙管絃三市晚畫
堂煙雨五峯秋黃柑巧綴星垂檻香稻新菲雪滿甌應
與謝公資健筆邦人才薄詎能酬 楊萬里萬安道中

書事詩曰玉峯雲剝逗斜明花逕泥乾得晚行細細一
風寒裏煖時時數點雨中晴 黃庭堅送袁守曹伯玉
詩曰宜春城郭遶樓臺想見登臨把一杯濕濕嶺雲生
竹籬冥冥江雨熟楊梅政成定入邦人咏詩就還隨驛
使來錯落風沙最病眼不知何日為君開 元薩都拉
安吉道中詩曰西風吹雁不成行萬里孤舟下夕陽度
峽冷風歌客帽卷簾涼月落琴床江湖水滿鷗偏樂花
柳春深馬正忙又有青原山色好故鄉歸計喜相將

福建省一

增廣輿記曰按福建西北阻山東南濱海提封甚促阻
山者建延汀邵也濱海者福興漳泉及福寧也山多田
少粒食仰給於廣浙不但急於防守而尤急於糗糧特
溪山秀美民用以和斯有聲明文物之盛耳

福建省二

增廣輿記曰福州府禹貢揚州之域天文牛女分野周
時七閩地職方氏注閩子孫分
為七種故曰七閩秦曰閩中漢初封無諸

為閩越王都此晉曰晉安隋曰閩州曰泉州唐曰建州

曰福州曰長樂五代時王審知據此曰彰武宋曰威武

元明為福州府 國朝因之領縣九

閩侯官古田閩清長樂連江福清永

福羅源又曰泉州府禹貢揚州之域天文牛女分野周時

為七閩地漢屬會稽梁曰南安隋曰溫陵唐曰泉州曰

清源宋曰平海元明為泉州府 國朝因之領縣七

江晉

南安惠安同安德化永春安溪

又曰興化府禹貢揚州之域天文牛女

分野周為七閩地漢屬會稽曰莆中隋曰莆田宋曰興

化曰興安元明曰興化府 國朝因之領縣二

莆田 仙遊 又

曰邵安府禹貢揚州之域天文牛女分野周為七閩地

漢屬會稽郡三國吳曰昭武晉曰邵武唐改屬建州宋

元明俱為邵武府 國朝因之領縣四

邵武 光澤 泰寧 建寧

又曰

延平府禹貢揚州之域天文牛女分野周為閩越地漢

屬會稽晉唐曰延平五代曰鐔州南唐曰建州宋曰南

劍元因之明曰延平府 國朝因之領縣七

南平 將樂 大田 永安

沙尤 溪 又曰建寧府禹貢揚州之域天文婺女分野周

順昌

為七閩地漢屬會稽三國吳曰建安唐曰建州宋元明

曰建寧府 國朝因之領縣八

建安甌寧崇安建陽浦城松溪政和壽寧又

曰汀州府禹貢揚州之域天文牛女分野周為七閩地

漢屬會稽晉曰新羅唐曰汀州曰臨汀五代時初屬王

氏後屬南唐宋元曰汀州明為汀州府 國朝因之領

縣八

長汀清流寧化上杭連城武平永定歸化

又曰漳州府禹貢揚州之域

天文牛女分野周為七閩地漢屬會稽晉曰晉安梁屬

南安隋屬閩州唐初屬泉州後曰漳州曰漳浦五代晉

曰南州宋元明仍為漳州 國朝因之領縣十

龍溪漳浦龍巖

南靖詔安海澄長泰漳平寧洋平和

又曰臺灣府本荷蘭國所屬明末鄭

芝龍據有其地

國朝設立臺灣府領縣三

臺灣鳳山諸羅

又

曰福寧府禹貢揚州之域天文牛女分野周為七閩地

秦曰閩中晉曰溫麻隋唐曰長溪宋曰福安元曰福寧

明初為福寧縣屬福州嘉靖中改為福寧州 國朝因

之領縣二

福安寧德

福建省三

增宿雲 蘸月

一統志曰宿雲樓在府內 又曰蘸月池在雪峯寺旁舊有古杉二株一真覺

禪師手植一闕 王審知手植

雪峯 月嶼

方輿勝覽曰雪峯山在府西地高多寒夏月猶

有積雪 一統志曰 月嶼在府南海邊

浴鳳 釣龍

又曰浴鳳池在鼓山唐末有樵者見

五色雀羣浴於此 又曰釣龍臺在釣臺山上有石刻曰全閩第一江山舊志越王餘善於此釣得白龍時以

為瑞遂 築臺

鳴玉

還珠

又曰鳴玉堂在府城內 廣輿記曰還珠門在布政司五代時

築

螺江 鱔溪

方輿勝覽曰螺江在府西北搜神記閩人謝端得一大螺如斗畜之家每

歸盤餐必具因密伺之乃一姝麗甚問之曰我天漢中白水素女天帝遣我為君具食今去留殼與君端用以儲糧其水常滿 廣輿記曰鱔溪在府東相傳閩越王郢時有鱔長三丈郢射中之鱔以尾纏繞人馬俱溺

荔枝軒

芙蓉洞

一統志曰荔枝軒在閩縣南芙蓉洞在懷安有芙蓉

院以上

福州府

繡屏

寶傘

一統志曰繡屏山在德化層崖峭壁若巨屏然上有仙人

迹又曰寶傘

金鞍

玉柱

又曰金鞍山在同安又曰永春縣東一峯突

起狀如玉柱

牧馬

登龍

又曰唐柳閩以閩為六朝牧馬之地又曰登龍峯在惠安宋

崔拱偕二子正則麗則讀書於此後父子相繼登第

戴雲

喜雨

又曰戴雲山在德化山頂

高聳雄跨數里常有雲氣集其上

廣興記曰喜雨亭在府北

金釵

寶蓋

一統志曰金釵

山在府東南兩峯延袤若釵股然宋梁克宗嘗讀書於此廣興記曰寶蓋山在府南上有石塔商舶自海還

者指為抵岸之期

雲頂

霞塘

一統志曰雲頂峯在仙遊峯之旁為滌坑

又曰霞塘在府東北
清澈可愛灌田百餘頃

木蘭陂

荻蘆溪

廣輿記曰
木蘭陂在

府城南木蘭山下其水自泉之德化永春及仙遊三邑
西南而下合澗谷之水三百有六十而會流至此宋熙

寧中侯官有李長者疊石築陂溉田千餘頃
莆人賴之一統志曰荻蘆溪在府東北

留仙山

迎賓亭

又曰留仙山迎
賓亭俱在仙遊

壺公山

天妃廟

方輿勝
覽曰舊

志云昔隱者遇老翁於此山為言神仙事忽見宮闕似
非人間者翁曰此壺中日月也後人因名壺公一統

志曰妃莆人宋都巡檢林愿女也生而神靈能言人禍
福後使鄉人立廟於府東南漳州嶼宣和中路允迪浮

海使高麗遇風諸船皆溺神降於允迪舟檣
遂安濟歷代累封至天妃以上興化府

瑞榴

甘露

廣輿記曰瑞榴軒在邵武縣學宋時有石榴一株
土人觀其結實之數卜登第多寡屢驗又曰甘

露巖在泰寧

鑪峯

鼓石

又曰鑪峯山在泰寧為一邑勝
記纂淵海曰泰寧縣西有

石形圓如鼓
以上邵武府

毓秀

含清

一統志曰毓秀峯在尤溪
即南溪書院 又曰含清

寺在府南

金樓

石臺

又曰金樓山在尤溪聳翠雲間
如樓閣狀 又曰石臺在順昌

凝翠閣

拱秀樓

廣輿記曰凝翠閣在太史溪上李綱
嘗宴此詩登臨縹緲出塵寰疑是神

仙畫不關宴樂尊壘在天半嬉遊歌吹落人間
一統志曰拱秀樓在尤溪 以上延平府

雲谷

月溪

方輿勝覽曰紫霞峯在崇安縣東
統志曰月溪橋在崇安縣東

紫霞

碧雲

方輿勝覽曰紫霞洲在府城中取幔亭紫霞
霞褥之義 廣輿記曰碧雲樓在府治

石鼓

鐵

笛 一統志曰石鼓書堂在武夷山中 廣輿記曰鐵笛
亭在武夷山中胡寅嘗與劉魚道遊此兼道善吹鐵

笛有穿雲裂石之聲

滿月

聚星

一統志曰滿月山在政和山峯圓瑩若滿月狀上有石壇

顧思遠煉丹於此

方輿勝覽曰聚星亭在考亭書院右

金雞石

鐵獅頂

一統志曰

金雞山在崇安巖有瀑水下有龍井或見二金雞翔集其上故名方輿勝覽曰鐵獅頂在府南山之巔有鐵

鑄文殊獅子像

銅鼓

石鍾

又曰銅鼓山在上杭山有銅鼓聲聞則歲大稔

石壁上有倒書千年二字今存廣輿記曰石鍾巖在上杭中有石乳

垂珠

環翠

又

垂珠嶺在連城一統志曰環翠樓在臥龍山下

象洞

蛟湖

又曰象洞在武平其中廣

濶號九十九洞廣輿記曰蛟湖在寧化時有白龍出沒

金雞

石燕

一統志曰金雞山在

連城有人至山見一庵有金雞飛鳴因寄宿覺後遂失其所又曰石燕巖在府南昔有飛燕頰頰驟雨集石

上雨止視之
皆化為石

圓珠

橫翠

方輿勝覽曰圓珠山在府南一名龍珠形如珠圓

又曰橫翠亭在府東東禪寺中門之左
山光野色橫在目前

風月

水雲

一統志曰風月樓在府治廣興記曰水雲館在府東南隅館後有亭曰喜雨前臨浦水面對梁山滄州繞其

左圓山峙其右
實為一郡勝槩

貢珠

留珮

又曰貢珠門在府治北
一統志曰留珮亭在

龍溪東宋通判鄭渙代去郡人攀留渙
留珮以為別後人即其地建亭扁今名

荆嶼

藿溪

又曰嶼在東海中上有荆草
故名又曰藿溪在龍巖

紫雲巖

丹霞嶼

又曰紫雲

巖在府南巖前諸峯甚奇巖之巔常有紫雲覆之
與記曰丹霞嶼在府東南海中一名赤嶼晏殊類要云

嶼有石朝色如丹晚色
如霞以上漳州府

福建省四

增詩唐張籍送源使君詩曰為郡暫辭雙鳳闕全家遠
過九龍灘地僻尋常來客少刺桐花發共誰看 包何
詩曰雲山百越路市井上州人執玉來朝遠還珠入貢
頻 胡曾詩曰延平津路水溶溶峭壁危岑一萬重昨
夜七星潭底見分明神劍化為龍 歐陽詹詩曰想像
精靈欲見難通津一去水漫漫空餘昔日凌霜色長與
澄潭生晝寒 陳陶詩曰崆峒一派瀉蒼煙長揖丹丘

逐水仙雲樹杳冥通上界峯巒迴合下閩川 史維翰

詩曰漳溪郡有佳山水仙客因之作盛遊怪石千峯聳

晴巘枯槎百尺擁寒流 僧法振送人遊閩越詩曰不

須行借問為爾話閩中海島春寒雨江帆來去風道遊

元度宅身寄朗陵公此別河陽遠如今關塞通 僧皎

然送沈秀才之閩中詩曰楚客未成歌春風起綠波嶺

重寒不到海近瘴偏多野樹枕榔發人家翡翠過翻疑

此中好君問定如何 宋陳俊卿詩曰共樂臺前花木

深登臨當暑豁衣襟紅垂荔子千家熟翠掩簷簷十畝
陰老去已尋居士服清歡時伴醉翁吟憑欄四望豐年
稼差慰平生憂國心 朱子邵武道中詩曰風色戒寒
候歲事已逶遲勞生尚行役遊子能不悲林壑無餘秀
野草不復滋禾黍經秋成收歛已空畦田翁喜歲豐婦
子亦嬉嬉而我獨何成悠悠長路岐凌霧即曉裝落日
命晚炊不惜容鬢凋鎮日長空飢征鴻在雲天浮萍在
青池微蹤政如此三歎復何為 徐璣建劔道中詩曰

雲麓煙巒知幾層一灣溪轉一灣清行人只在清灣裏
盡日松聲雜水聲陳堯佐詩曰蠻煙漁火接鯨波樹
樹花枝處處歌況是天涯好行樂莫教顛顛鬢霜多

元張養浩泉州詩曰萬里飄零兩鬢華瘴煙為屋海為
家山無高下皆行水樹不秋冬盡放花得句珠還合浦
月亂懷杯吸赤城霞蓬萊咫尺無由到慙媿當年望斗
槎盧琦汀州道中詩曰雨過山城野水渾夕陽黃犢
臥籬根吳塘父老應相語昨夜南船到海門

廣東省一

增廣輿記曰按廣東處五嶺之外昔號偏隅今為樂土
蓋恃山海之利土產饒而番貨集也 又曰南雄韶州
通荆吳肇慶連梧桂與內地相比無事設防高州廉州
雷州為西路非海道最衝防守無難惟惠州潮州為東
路廣州為中路環郡大洋衝突甚易然莫便於東路而
中路次之至瓊州懸隔海外外禦番倭內搗珠寇固南
溟之雄鎮也

廣東省二

增廣輿記曰廣州府禹貢揚州之南境天文牛女分野
春秋為南越地舊稱羊城秦置南海郡趙佗竊據漢武
帝收復三國吳曰廣州隋曰番州唐宋曰清海元明為

廣州府 國朝因之領州一連縣十六

南海番禺順德
東莞從化龍門

增城新會香山三水花新
寧清遠陽山連山新安

又曰南雄府禹貢揚州之域

天文牛女分野戰國屬楚秦屬南海郡漢屬桂陽三國
吳屬始興劉宋屬廣興隋屬廣州唐屬韶州南漢曰雄

州宋曰南雄曰保昌元明為南雄府 國朝因之領縣

二保昌始興又曰韶州府禹貢揚州之域天文牛女分野春

秋為百粵地戰國屬楚秦屬南海漢屬桂陽郡三國吳

曰始興劉宋曰廣興唐宋元曰韶州明為韶州府 國

朝因之領縣六曲江樂昌乳源仁化翁源英德又曰惠州府禹貢揚州

之南境天文牛女分野秦漢為南海郡地梁曰梁化隋

曰循州曰龍川唐曰海豐曰禎州宋曰惠州曰博羅元

改惠州路明為惠州府 國朝因之領州一連縣十善

博羅長樂永安海豐龍川長寧興寧河源和平

又曰潮州府禹貢揚州之域天

文牽牛分野秦漢南海揭陽地晉曰義安梁曰瀛州隋

曰潮州唐曰潮陽宋元明皆曰潮州府 國朝因之領

縣十一

海陽潮陽揭陽程鄉饒平平遠普寧惠來大埔鎮平澄海

又曰肇慶府禹貢

揚州之南境天文牛女分野春秋為百粵地秦屬南海

漢屬蒼梧郡劉宋曰綏建梁曰高要隋曰信安唐曰瑞

州曰潯州宋元明曰肇慶 國朝因之領州一

德慶

縣十

一高要四會新興開平陽江陽春恩平高明廣寧封川開建

又曰高州府古粵地天

文牛女分野秦屬南海郡漢曰高梁三國吳曰高興梁

唐宋元皆曰高州明為高州府 國朝因之領州一化

縣五茂名電白信宜吳川石城又曰雷州府古粵地天文牛女分野

秦屬象郡漢曰徐聞梁隋曰合州曰海康唐曰雷州元

明為雷州府 國朝因之領縣三海康遂溪徐聞又曰廉州府

古南粵地天文翼軫分野秦為象郡地漢曰合浦三國

吳曰珠官劉宋曰越州隋曰合州唐曰廉州宋曰太平

元明為廉州府 國朝因之領州一欽縣二合浦靈山又曰

瓊州府古粵地天文牛女分野漢武平南粵置珠崖儋

耳二郡梁曰崖州唐曰瓊山曰瓊州宋曰鎮州元仍曰

瓊州明為瓊州府 國朝因之領州三

儋萬崖

縣十

瓊山臨高

澄邁文昌定安會同樂會昌化陵水感恩

又曰羅定州禹貢揚州之南境天

文牛女分野春秋為百粵地漢曰端溪晉曰龍鄉曰平

原梁曰瀧州隋曰瀧水唐曰開陽宋曰康州明初改為

瀧水縣屬肇慶府萬歷間陞羅定州 國朝因之領縣

二 東安西寧

廣東省三

增望雲 浴日

一統志曰望雲嶺在增城下有九淋水雖天時晴霽亦有雲氣覆其上又曰

浴日亭在扶胥鎮南小丘屹立亭冠其巔後改名拱日蘇軾詩劍氣崢嶸夜插天瑞光明滅到黃灣坐看暘谷浮金暈遙想錢塘湧雪山

白水

黃雲

方輿勝覽曰白水山在增城山巔有瀑泉如白練

一統志曰黃雲山在新會

藥洲

花田

又曰藥洲在府城內南漢時聚方士煉藥於此

興記曰花田在府西平田彌望皆種素馨花偽劉時美人葬此至今花香甚於他處

珠江寶

山

又曰珠江在府南士大夫餞送之地記纂淵海曰寶山在東莞山有二石甕飛瀑注之其聲如雷

銅鼎

玉鏡

一統志曰銅鼎溪在南海南越志天清水澄見其鼎鉉刺史劉道錫過之繫其耳而

牽之耳脫而鼎潛入民以為神
玉鏡臺在三水胥江上酒家環列多當壚者

菖蒲澗

荔枝洲

方輿勝覽曰菖蒲澗在府東北昔咸平中姚成甫採菊於菖蒲澗側遇一老夫曰此澗菖

蒲安期生所餌也

又曰荔枝洲在府東周廻五十

里南漢劉氏嘗創昌華苑於其上

以上廣州府

墨江

青嶂

廣輿記曰

墨江在始興西水黑如墨產佳魚方輿勝覽曰青嶂山在府東南翠阜

屹立松檜陰翳有神仙隱几一鍋似玉琢成瀑布潺湲

放鉢石

卓錫泉

一統志曰

放鉢石在雲封寺石高數尺相傳唐時盧能放鉢其上廣輿記曰卓錫泉在大庾嶺下其泉湧出石穴甘冽

可愛相傳昔大鑒禪師得法歸南卓錫於此

九姑山

六祖塔

一統志曰九姑山在

始興廣輿記曰塔在大庾嶺上凡七級相傳為六祖建

以上南雄府

桂水

桃溪

一統

志曰桂水在府西北源出桂嶺下

又曰桃溪在英德源出崇山

紫微

碧落

方輿勝覽

曰紫微洞在府城西南朱新仲自詞垣謫居曲江遇父老指示始得此洞可容數百人廣輿記曰碧落洞在

英德懸石如霓旌羽蓋狀旁有小洞號雲華深不可測

澄光臺

涵暉谷

志曰統

澄光臺在英德縣又曰涵暉谷在英德鳴弦峯下唐人元結有涵暉谷銘刻峯石上以上韶州府

鵞城

鶴嶺

方輿勝覽曰古有仙人放木鵞流而至於此因建城故曰鵞城鶴嶺見白鶴峯下

南海東江

一統志曰南海在府東南三百里又曰東江出贛州安遠縣

金魚

石馬

又曰金魚嶺在長樂西每霖雨水溢其旁岡阜皆沒獨此嶺形如雙魚蟠踞悉具若騰躍於巨

浸中又曰石馬嶂在長樂西

點翠

漱玉

記纂淵海曰豐湖在郡城西有點翠溪漱玉灘

黃牛嶺

白鶴峯

一統志曰黃牛嶺在興寧方輿勝覽曰白鶴峯在府東舊稱惠陽

為鶴嶺者以此山也下有合江樓宋蘇子瞻所居子瞻詩已買白鶴峯規作終老計長江在北戶雪浪舞吾砌

惠州府

竹岡

梅峯

一統志曰竹岡在揭陽南又曰梅峯山在程鄉

鯉

溪鳳水

廣輿記曰鯉溪在府東一名惡溪溪有鯉魚身黃色四足脩尾狀如鼉舉止趨疾口森鋸

齒往往為人害鹿行崖上羣鯉鳴吼鹿大怖落崖鯉即蠶食

記纂淵海曰鳳水在府北一名鳳凰溪

金城

石室

廣輿記曰金城山在府治後西瞰大湖一碧萬頃一統志曰石室洞在程鄉穴竇

深二十丈許中有石鼓石柱石天池之類以上潮州府

望海

吸江

方輿勝覽曰望海臺

在陽江登之可望海上有二石室內有懸泉金膏銀燭靈芝玉髓之異其石自然成樓臺柱棟制度皆如人巧

廣輿記曰吸

江亭在封川

浣花

漱玉

又曰浣花亭在封川一統志曰漱玉泉在香

山上飛流

鸚鵡

鳳凰

又曰鸚鵡山在陽江方輿勝覽曰鳳凰山在陽江一名

北甘山相傳有鳳凰巢其上遇大風雨嘗墮其雛

登雲

待月

一統志曰登雲亭在德慶

州登雲橋上又曰得月橋在德慶州西

石峒

金墉

又曰石峒在府東北天開巖穴空濶

幽邃南北二門上虛通天洞與七星巖相去不遠水泛浸則巖之沒者數丈惟峒隆然屹立水中世傳峒能浮

者以此又曰金墉亭在封川

聚鱗池

羅鳳水

又曰聚鱗池在新興水深魚聚因名

又曰羅鳳水在陽春北其流縈迴西入漢陽江以上肇慶府

石龍

銅魚

記纂淵海

曰石龍岡在化州方輿勝覽曰銅魚山在電白類仙翁風土歌云一條丁水銅魚塞三十年來舊相識

麗山

茂嶺

廣輿記曰麗山九州之鎮一名浮梁山一統志曰茂嶺岡在府南草木鬱茂四時

彫不

白馬

皓鸞

又曰白馬山皓鸞山俱在信宜

駐馬

歸鴻

又曰駐馬

橋在石城

廣輿記曰歸鴻亭

屯雲

城月

一統志曰屯雲

在龍母山嶺

以上高州府

山在徐聞四時雲霧蒙蔽故名

橫舟

覆孟

一統志曰橫舟

廣輿記曰城月驛在遂溪

亭在府治

又曰

吉斗

瑞星

又曰吉斗山在府西形若盤斗廣輿記

覆孟山在遂溪東

曰瑞星池在府城內寇準於寓所鑿池一夕星殞於中求之得一石因架軒池上名曰瑞星以上雷州府

黃稻

綠蘆

一統志曰黃稻山在府北綠蘆山在靈山

雁湖

鹿井

廣輿

記曰雁湖在府西北雁不常有每秋冬有隻雁遊于其間故名一統志曰鹿井寨在合浦縣

三山

五湖

廣輿記曰三山在欽州上多孔雀一統志曰欽州城外有東西南北中五湖宋陶弼築亭於

其上海湖各有詩

銅柱

石欄

又曰銅柱在欽州分茅嶺下漢馬援立以界安南援誓云

銅柱折交趾滅安南人過其下每以石培之遂成丘陵又曰石欄水在欽州

綠雲溪鳥

雷廟

又曰綠雲溪鳥雷廟俱在欽州以上廉州府

栖龍

抱虎

又曰栖龍灣在崖州

又曰抱虎山在文昌

雁塔

龍堆

又曰雁塔峯在府城南拱揖郡庠又曰龍堆山在

府東

息風

湧月

又曰息風山在感恩縣山下有巨穴深不可測每颶風作黎人禱之

則止

又曰湧月亭在儋州城北下臨大江宋李光建取杜甫月湧大江流之句而名

落筆洞

試劍峯

又曰落筆洞在崖州廣輿記曰試劍峯在崖州南海濱山有巨石高三丈餘宋毛奎題

小洞天三字於上又一石臨海曰釣臺又入數步
曰大洞天有石室曰山海奇觀旁有石梯曰仙梯 雲

露山

風月臺

記纂淵海曰雲露山在府西南中有三潭俗呼陷屋潭上潭林木陰森人不敢

近次二潭有小石如橄欖有竅可穿一
統志曰風月臺在府治 以上瓊州府

廣東省四

增詩唐張九齡送廣州周判官詩曰海郡雄蠻落津亭
壯越臺城隅百雉映水曲萬家開里樹枕榔出時禽翡
翠來觀風猶未盡蚤晚使車迴 高適餞宋判官詩曰
猿啼山不斷鳶跼路難登海岸出交趾江城連始興

韓愈送鄭尚書赴海南詩曰番禺軍府盛欲說暫停杯

蓋海旌幢出連天觀閣開衙時龍戶集上日馬人來風

靜鷄鵠去官廉蚌蛤回又詩曰州南數十里有海無

天地颶風有時作掀簸真差事白居易送客春遊嶺

南詩曰已訝遊何遠仍嗟別太頻離容君感促贈語我

殷勤迢遞天南面蒼茫海北垠訶陵國分界交趾郡為

鄰翁鬱三光晦溫暾四氣勻陰晴變寒暑昏曉錯星辰

瘴地難為老蠻貊不易馴土民稀白首洞主盡黃巾戰

艦猶驚浪戎車未息塵紅旗圍卉服紫綬裹文身麪苦
枕榔裛漿酸橄欖新牙檣連海舶銅鼓賽江神不凍貪
泉煖無霜毒草春雲煙蟒蛇氣刀劒鰐魚鱗路足羈棲
客官多謫逐臣天黃生颶母雨黑長楓人迴使先傳語
征軒早返輪須防杯裏蠱莫愛橐中珍北與南殊俗身
將貨孰親嘗聞君子誠憂道不憂貧皮日休送李明
府詩曰五羊城在蜃樓邊墨綬縵腰正少年山靜不應
聞屈鳥草深縱使翳貪泉蟹奴晴上臨朝檻燕婢秋隨

過海船一事與君消遠宦乳蕉花發訟庭前 張祐送

蘇紹之歸嶺南詩曰夜月江流闊春風嶺路深珠繁楊

氏果翠耀孔家禽 胡曾自嶺下泛舟清遠峽詩曰乘

船泛鷁下韶湍絕景方知在嶺南薜荔雨餘山似染薰

葭煙盡水如藍日遊蕭帝新松寺夜宿嫦娥桂影潭不

為篋中書未獻便來此地結茅庵 李德裕崖州詩曰

獨上江亭望帝京鳥飛猶見半年程碧山也恐人歸去

百匝千遭遶郡城 宋蘇軾詩曰羅浮山下四時春盧

橘楊梅次第新日啖荔枝三百顆不妨長作嶺南人

又曰赤魚白蟹箸屢下黃柑綠橘邊常加糖霜不待蜀
客寄荔枝未信閩人誇 又雷州詩曰粵嶺風俗殊有

疾時勿藥束帶趨房祀用史巫紛若弦歌薦繭栗奴至
洽觴酌呻吟殊未央更把雞骨灼 又曰粵女市無常

所至輒成區一日三四遷處處售鰕魚青裾脚不襪臭
味猿與狙孰云風土惡白州生綠珠 又曰海康臘已
酉不論冬孟仲殺牛撾鼓祭城郭為傾動雖非堯頌歷

自我先人用苦笑荆楚人嘉平臘雲夢 又佐姜唐佐

詩曰邇從瓊管魚龍窟秀出羊城翰墨場滄海何曾斷

地脈白袍端合破天荒 劉克莊潮惠道中詩曰春深

絕不見妍華極目黃茅際白沙幾樹半天紅似染居人

云是木棉花 楊萬里揭陽道中詩曰地平如掌樹成

行野有郵亭浦有梁舊日潮州底處所如今風物冠南

方 郭祥正詩曰新江自南來西與端江匯屹然鵠奔

亭遺音垂千載 陶弼詩曰商誇合浦珠胎賤民樂占

城稻米豐火炬影沈江岸北潮聲流過郡城東

御定淵鑑類函卷三百三十八

欽定四庫全書

御定淵鑑類函卷三百三十九

州郡部六

廣西 四川
貴州 雲南

廣西省一

增廣輿記曰按廣西亦粵地也而風壤氣習與廣東特

異蓋猺獞多而編氓少也襟帶三江

府江左
江右江

提封甚廣

省會桂林偏於東北與楚為界一門戶也梧州與粵東
為界一門戶也泗城之與滇界鎮安南寧太平思明之

與安南界者閉關塞邊為藩籬不為門戶也

廣西省二

增廣輿記曰桂林府禹貢荊州之域天文翼軫分野古
百粵地戰國為楚粵之交秦屬桂林郡東漢三國吳曰
始安梁曰桂州唐曰建陵後曰靜江宋元因之明改為

桂林府 國朝因之領州二

永寧縣七

臨桂興安靈川
陽朔永福義寧

灌陽又曰平樂府禹貢荊州之域天文翼軫分野周為百

粵地秦屬桂林郡漢屬蒼梧三國吳曰始安唐曰樂州

宋曰昭州元明曰平樂

國朝因之領州一

永樂縣七

恭城富川荔浦昭平賀修仁

又曰梧州府禹貢荊州之域天文牛女

分野周為百粵地秦屬桂林漢曰蒼梧曰交州唐宋元

曰梧州明仍為梧州府 國朝因之領州一

鬱林縣九

藤容岑溪懷集博白北流陸川興業

又曰潯州府古百粵地天文翼軫分

野秦屬桂林郡漢屬鬱林蒼梧梁曰桂平唐曰潯江曰

潯州宋元仍曰潯州明為潯州府

國朝因之領縣三

桂平平南貴縣

又曰南寧府禹貢揚州西南境天文翼軫分野

周為百粵地秦屬桂林郡漢屬鬱林唐曰邕州曰朗寧
宋曰永寧元曰南寧明改為南寧府 國朝因之領州

四

新寧橫上

縣三

宣化隆
安永淳

又曰太平府古南粵地漢屬

交趾郡曰麗江唐為羈縻州宋平嶺南立五寨其一太

平元置太平路明為太平府 國朝因之領州十二

永康

養利左太平安平萬承金茗
結倫茗盈結安龍英都結

縣三

羅陽崇
善陀陵

又曰柳州府

古百粵地天文翼軫分野秦屬桂林漢屬鬱林郡陳曰
象郡唐曰龍城曰柳州五代時屬南漢宋仍為柳州元

曰柳城明為柳州府

國朝因之領州二

象縣十馬平

雄容懷遠柳城來賓
融武宣遷江上林

又曰思明府古百粵地漢屬交趾

郡唐置思明州宋隸永平元改思明路明為思明府

國朝因之領州四

思明下石
西憑祥忠

又曰慶遠府古百粵地天

文翼軫分野漢交趾日南二郡界唐曰粵州曰宜州曰

龍水宋元曰慶遠府 國朝因之領州一

河池縣四宜山
天河

思恩
荔波又曰思恩軍民府古百粵地漢屬交趾郡唐置思

恩州宋隸邕州元屬田州路明為思恩府 國朝因之

領州一隆縣二

西隆縣

武緣西林

又曰鎮安府古百粵地漢屬交趾

郡宋於鎮安洞建宣撫司元改鎮安路明為鎮安府

國朝因之領州一

議奉

又曰泗城府古百粵地漢屬交趾

郡宋置泗城州明因之屬慶遠國朝陞為府領州二

果化思城

又曰田州古百粵地漢屬交趾郡宋置田州國

朝因之領州五

歸順向武都康龍江

廣西省三

增癸水辰山

方輿勝覽曰癸水在府東古記曰癸水繞東城永不見刀兵宋德祐二年水忽

轉城南是年果受兵 廣輿記曰辰山在府東北山有三巖下巖石室幽曠中巖多怪石上巖一亭高插雲表

遊者謂桂林諸山之冠

白竹

碧蓮

廣輿記曰白竹湖在府西南闊百餘畝 一統志曰

碧蓮峰在陽朔唐沈彬詩陶潛彭澤五株柳潘岳河陽一縣花兩處爭如陽朔好碧蓮峯裏住人家

雙

梅

萬桂

一統志曰雙梅堂萬桂堂俱在全州

龍川

犀潭

一統志曰龍川橋在

灌陽 又曰犀潭在陽朔中有石穴相傳犀牛所藏岸旁細草如茸翠碧可愛

碧梧堂

青

蘿閣

一統志曰碧梧堂在全州雉山寺宋孫覲詩枕椰葉底秋聲滿柏子烟中

又曰青蘿閣在府之

夢還使擬買舟隨釣叟一蓑烟雨繫蒼灣

環秀堂

捲烟閣

一統志曰環秀堂捲烟閣

俱在全州以上桂林府

荔水

橘山

方輿勝覽曰荔水在府西源出桂之荔浦 廣輿記

曰橘山在賀縣東上有七十一峯皆產橘

翺風

捲雨

一統志曰翺風亭在府北又曰捲

雨樓在府治子城西

睂山

目巖

一統志曰睂山在府東南峰巒聳秀宛如睂黛紀纂淵

海曰目巖山在平樂其巖間有兩目如人瞳子黑白分明以上平樂府

漾月

飛雲

廣

記曰漾月亭在府東水光山色照映左右蒼梧佳景也又曰飛雲山在博白山勢險峻朝夕嘗有雲氣

浮金

注玉

一統志曰浮金亭在藤縣明趙宗德詩東山樹何青青鐸澤水何冷冷睂山夫子能

解事同於水邊樹下構危亭洪波浴日金錯落瘴雲不雨烟濛溟風塵瀕洞去天遠草木翳鬱知地靈又曰

注玉泉在藤縣

火山

冰井

紀纂淵海曰火山在府南每三夜一見如野燒之狀又曰

冰井在府東北

環翠

鬱秀

一統志曰環翠樓在藤縣又曰鬱秀樓在藤縣

龍

驤

鶴奔

一統志曰龍驤山在藤縣數峯聳列下俯清流晉龍驤將軍陳隱駐兵其下又曰鶴奔

岡在府西相傳漢太守劉曜嘗鑿斷岡脊有雙鶴飛去

赤水

紫泉

廣輿記曰赤水峽在

藤縣東兩崖壁立一水中流林木蔚然嵐氣朝夕不散一統志曰紫泉在鬱林州南

蓮塘

桂江

一統志曰蓮塘在容縣唐元結栽蓮於中嘗構亭其上又曰桂江在府西源出桂林府

丹

砂坑

綠珠井

一統志曰丹砂坑在南流者二在博白昔者三方輿勝覽曰綠珠井在博白昔

梁氏之女有容色石季倫為交州採訪使以真珠三斛買之梁氏之居舊井存焉汲飲者必誕美女里閭以美

女無益遂以石填之以上梧州府

漱玉

湧金

一統志曰漱玉泉在府南白石山又曰

湧金亭在府南江岸

馬嶺

龍田

一統志曰馬嶺山在貴縣一名龍馬又名馬度山又曰

龍田在貴縣南山之陽宋人詩龍田亦有耕痕在

澄霽閣

涵碧亭

一統志曰澄霽

閣在平遠樓

又曰涵

懷澤樓

凌波閣

一統志曰懷澤樓在

碧亭在府城東三江口

貴縣凌波閣在平南以上潯州府

銀甕

石鐘

紀纂淵海曰銀甕在府境仙人所遺人或

上山觀之則失其處及下瞻望則復見綠江水中石如鐘形相傳扛之則風雨作好事者試

一統志曰武

之果

馬退

魚流

一統志曰馬退山在府北唐柳宗元記云是山嶽然起於莽蒼之中

馳奔雲矗亘數十百里尾盤荒陬首注大溪諸山來朝勢若星拱蒼翠詭狀綺繡錯雜蓋天鍾秀于是限于

遐裔也

又曰

甘泉井

秀林山

一統志曰甘泉井在府東廣輿記

有異人盤薄於此

其以上林木秀鬱時

白雲

綠甕

廣輿

記曰白雲山在府城東洞凡七惟白雲最勝懸石扣之作鐘磬聲又曰銀甕江在永樂以上太平府

象臺

龍壁

方輿勝覽曰象臺山在象州西北其山平正如臺又曰龍壁山在府東北宋唐弼

詩曾看柳侯山水記
信知龍壁好烟霞

鐵船

銅磬

一統志曰鐵船山在融縣又曰銅

磬山在柳城內

居松

思柳

一統志曰居松山在來賓有石如盤可貯水又曰思柳亭

在府東宋陶弼詩羅池刺史寡塵緣畫戟牆頭築望仙黃鶴與誰同一去碧桃無主又千年以上柳州府

青鳥

白龍

一統志曰青鳥山在府之會仙山東又曰白龍洞在會仙山中相傳唐陸仙

翁曾煉丹於此宋張自明詩曰白龍洞口白龍臺一府南天眼豁開蒼壁謾題三數字後人還笑我曾來

環江渡

帶溪水

一統志曰環江渡在思恩北又曰帶溪水在思恩源出荔波至此旋繞

如帶南流入龍江

以上慶遠府

鳳山

犀水

廣輿記曰起鳳山在武緣兩峯軒舉如雙

鳳

又曰靈犀水在武緣自江底石

隙湧出清澈異常

以上思恩府

廣西省四

增詩唐王維送邢桂州詩曰饒吹喧京口風波下洞庭
赭圻將赤岸擊汰復揚舲日落江湖白潮來天地青
明珠歸合浦應逐使臣星 宋之間發藤州詩曰朝夕苦
遄征孤魂常自驚汎舟依島泊投館聽猿鳴石髮緣溪
蔓林衣拂地輕雲峰刻不似苔壁畫難成露裛千花氣

泉和萬籟聲攀幽紅處歇躋險綠中行戀結芝蘭砌悲
纏松柏瑩丹心江北死白髮嶺南生魑魅天邊國窮愁
海外情勞歌意無限今日為誰明 韓愈送桂州嚴大
夫詩曰蒼蒼森八桂茲地在湘南江作青羅帶山為碧
玉簪戶多輸翠羽家自種黃柑遠勝登仙去飛鸞不暇
驂 柳宗元詩曰驚風亂颭芙蓉水密雨斜侵薜荔牆
嶺樹重遮千里目江流曲似九迴腸 又柳州峴岷詩
曰郡城南下接通津異服殊音不可親青箬裏鹽歸洞

客綠荷包飯趁虛人驚毛禦臘縫山罽雞骨占年拜水
神愁向公庭問重譯欲投章甫作文身 張籍送嚴大

夫之桂州詩曰旌旆過湘潭幽奇得徧探莎城百越北
竹路九疑南有地多生桂無時不養蠶聽歌難辨曲風
俗自相諳 又象州詩曰瘴水蠻江入洞流人家多住
竹棚頭青山海上無城郭惟見松排出象州 戎昱桂
州口號詩曰畫角三聲動客愁曉霜如雪覆江樓誰道
桂林風日暖到來重著皂貂裘 李商隱詩曰城窄山

將歷江寬地共浮西南通絕域東北有高樓 又曰桂

水春猶早昭川日正西虎當官路鬪猿上驛樓啼 又

曰假守昭平郡當門桂水清海遙稀蚌迹峽近足灘聲

宋蕭磬詩曰吟拾江邊金翠羽醉騎海上玉麟腰清

談試茗遊冰井至樂觀魚出檻橋 余靖寒山詩曰空

翠紛紛冷不流風雲長是護靈湫山神鞭起龍行雨散

作炎州六月秋 徐安國詩曰羣嶺中推古鉢尊山川

羅列掌中存亭臺突兀聖婆廟丘垤逶迤山子邨 陶

弼柳州詩曰子厚才名甲有唐謫官分得荔枝鄉羅池
水盡黃柑死獨有空碑在畫堂 又賓州詩曰金鼓聲
闌劒戟收使君迴上雅歌樓尊前一曲清商曲消盡窮
邊萬里愁

四川省一

增廣輿記曰按四川取岷江沱江黑水白水四大川以
為名洵奧區也北走秦鳳有鐵山劒閣之塞東下荆襄
有瞿塘濫潏之險南通六詔有瀘水大峨之固西拒土

番有石門崆峒之障山水襟束自為藩籬

四川省二

增廣輿記曰成都府禹貢梁州之域天文井鬼分野古

蜀國秦曰蜀郡漢曰廣漢曰益州蜀漢都此晉曰成都

曰錦城唐曰劔南曰南京曰西川宋曰益州元明為成

都國朝因之領州六

簡崇慶漢綿威茂

縣二十

成都溫江新繁金堂新都

仁壽安內江井研郫灌資資陽新津什邡綿竹德陽保汶川

又曰龍安府禹貢梁州

之域天文井鬼分野秦為氐羗地漢曰陰平後魏曰江

油隋曰平武唐曰龍門宋曰龍州明初為龍州宣撫司

嘉靖間改龍安府

國朝因之領縣三

平武石泉江油

又曰順

慶府禹貢梁州之域天文參井分野周為雍州地春秋

戰國為巴子國秦漢屬巴郡漢末曰安漢劉宋曰宕渠

隋曰巴西唐曰南充曰果州宋曰順慶元曰東川明為

順慶府

國朝因之領州二

蓬廣安

縣七

南充西充營山儀龍大竹渠隣

水又曰保寧府禹貢梁州之域天文井鬼分野春秋巴

國地漢曰巴西晉曰閬中梁曰南梁西魏曰隆州唐曰

閬州宋曰安德元明曰保寧 國朝因之領州二

巴劍縣

八

閬中蒼溪南部廣化昭化通江南江梓潼

又曰重慶府禹貢梁州之域天

文井鬼分野周為巴子國秦置巴郡漢曰江州漢末曰

永寧梁曰楚州隋曰渝州唐曰南平宋元明曰重慶府

國朝因之領州三

合忠涪

縣十一

巴江津長壽永川榮昌綦江南川黔江豐

都墊江彭水

又曰夔州府禹貢荆梁二州之域天文軫翼分

野周為魚復國春秋為夔國地秦屬巴郡漢曰永寧曰

巴東蜀漢曰固陵梁曰信州唐曰雲安宋元明曰夔州

府 國朝因之領州一達縣九

奉節巫山雲陽梁山又萬開建始東鄉太平

曰叙州府禹貢梁州之域天文井鬼分野古夔國漢犍

為郡治此梁隋曰戎州唐曰南溪宋曰叙州元曰敘南

明為叙州府 國朝因之領縣十

宜賓南溪富順長寧隆昌慶符筠連高珙

興文又曰馬湖府禹貢梁州之域天文鬼分野古夔侯國

夷獠所居漢武通西南夷始置郡縣曰犍為曰牂牁唐

曰馬湖宋為蠻主所屯元明仍為馬湖府 國朝因之

領縣一屏山又曰遵義府禹貢梁州之域天文井鬼分野

秦為夜郎且蘭二縣地漢屬牂牁唐曰郎州曰播川宋

曰播州曰遵義元曰播州明初為播州宣慰使司萬歷

中改遵義府

國朝因之領州二

真安縣四

遵義桐梓
會理縣
綏陽仁懷

又曰潼川府禹貢梁州之域天文井鬼分野春秋戰國

屬蜀地漢曰廣漢蜀漢曰梓潼晉曰新都梁曰新州西

魏曰昌城隋曰梓州唐曰東川宋曰梓川明為潼川府

國朝因之領縣六

射洪鹽亭中江
遂寧蓬溪樂至

又曰瀘州禹貢梁

州之域天文井鬼分野春秋戰國為巴國地東漢曰江

陽梁曰瀘州隋唐宋曰瀘川明為瀘州 國朝因之領

縣三

江安合江納溪

又曰嘉定州禹貢梁州之域天文井鬼分

野秦為蜀郡地漢屬犍為郡曰漢嘉隋曰峽山唐宋曰

嘉州元明為嘉定州 國朝因之領縣五

峨嵋洪涯夾江犍為榮

又曰邛州禹貢梁州之域天文井鬼分野周職方屬雍

秦漢曰臨邛梁曰邛州西魏曰蒲原唐宋元明俱為邛

州 國朝因之領縣二

大邑蒲江

又曰峽州禹貢梁州之域

天文井鬼分野秦為蜀郡地漢屬犍為梁曰青州隋曰

睢山唐曰嘉州宋元明曰睢州 國朝因之領縣一稜

丹

又曰雅州禹貢梁州之域天文井鬼分野周屬雍州秦漢曰嚴道屬蜀郡西魏曰蒙山隋曰臨邛唐宋元明曰

雅州 國朝因之領縣三

名山 經廬山

又曰東川軍民府禹

貢梁州之域天文參分野烏蠻仲由牟之裔居之屬南詔蒙世蒙置東川郡元初置萬戶府後改為東川府明初因之隸雲南後改為東川軍民府隸四川又曰烏蒙軍民府禹貢梁州之域天文井鬼分野古為竇地甸漢

屬牂牁郡唐時烏蠻仲由牟之裔曰阿統者遷居於此
傳十一世曰烏蒙始強號烏蒙部元初內附置烏蒙路
明初改為烏蒙府尋陞為烏蒙軍民府又曰烏撒軍民
府禹貢梁州之域天文井鬼分野舊名巴兀姑後名
巴的甸自昔烏蠻居之宋時烏些後據其地號曰烏撒
部元為烏撒路招討司明為烏撒軍民府又曰鎮雄軍
民府禹貢梁州之域天文井鬼分野古為屈流大雄甸
昔烏蠻之裔阿統與其子芒布居此號芒布元為芒布

路明初為芒布軍民府嘉靖中改為鎮雄府領長官司

四

四川省三

增金堂

玉壘

一統志曰金堂峽在金堂兩山相峙河流其中相傳古望帝時其相鼈靈所鑿

方輿勝覽曰玉壘山在汶川出壁玉

雲頂

雪山

一統志曰雲頂山在金堂方輿勝

覽曰雪山在威州西南一名雪嶺在城西又名西山與乳川白狗嶺相連山有九峰上有積雪春夏不消

浣花

折柳

廣輿記曰浣花溪在府西南一名百花潭任夫人微時見一僧墜污渠為濯其衲百

花滿潭因名其潭曰浣花唐妓薛濤家潭旁以潭水造十色箋又曰折柳橋在簡州

望帝

昇仙

廣輿記曰望帝池在府城西北杜宇自立為蜀王號望帝又曰昇仙橋在府城北魚鳧王張伯子

俱乘虎而仙去橋因以名長卿東遊題其柱曰不乘駟馬車不復過此

玉女

錦官

統一

志曰玉女山在簡州仙人李八百修煉於此又曰錦官樓在府治東宋元豐中呂大防建

筆架

琴臺

一統志曰筆架山在保縣北一名九子山方輿勝覽曰琴臺在府城西南即漢司馬相如宅

在華陽縣市橋西

千秋

萬歲

廣輿記曰千秋池在府東秦張儀所鑿又曰萬歲池在

府北昔張儀築城取土因以成池廣袤數十里

飛鸞閣

躍龍池

一統志曰飛鸞閣在

府城內蜀王衍起章華苑苑有飛鸞閣廣輿記曰躍龍池在府東南隋欲伐陳鑿此習水戰以上成都府

金盤

石紐

方輿勝覽曰金盤溪在府東南溪旁多沙石色黃如金廣輿記曰石泉治之

北石紐邨大禹生此石穴杳深人跡不到
掘地得古碑有禹穴二字乃李白所書

躡翠濺

珠

蒲翰記曰龍陽十景朝陽關龍門峽瀑布明月潭
珠泉太白臺月泉巢雲閣躡翠亭雲根亭宋趙善齡

有十詩以

綠沼紫崖

一統志曰綠沼山在渠縣東又曰紫崖山在西充

北

鼇水

貌峰

一統志曰鼇水在儀隴水中有石如鼇狀又曰貌峰山在廣安州

山燈

石繖

一統志曰蓬州有山燈現凡五處初不過三四點漸至數十點高下相應離合不常

在蓬山者尤為靈異土人呼為聖燈又曰廣安州東江之中流有巨石周圍二丈餘中高四垂狀若繖蓋

請雨邀月

一統志曰請雨山在府城東又曰邀月亭在儀隴上有石刻詩古木森森倚

石顛快哉四望見山川天教來作清風侶邀月臺名不浪傳

七曲雙圖

一統志曰七曲

匯在營山水流縈迴七曲兩岸崖石懸絕飛湍噴沫
若煙霧騰湧又曰雙圖山在西充以上順慶府

望月

占星

一統志曰望月橋在府東南又曰占星
臺在蟠龍山南唐袁天綱占天文三處遺

址尚

劍閣

書巖

廣輿記曰劍州兩崖峻絕鑿石架
閣而為棧道秦司馬錯由此伐蜀

一統志曰書巖在倉溪
雲臺東乃葛稚川讀書處

聖鹿

神羊

四川總志曰
聖鹿堂在通

江一統志曰劍州古延福寺內嘗有古木
一株甚巨二白羊往來其下近之則不見

秀巖

明水

一統志曰秀巖在劍州有泉清潔可愛
覽曰明水在南江水間出現屏林木山川之形隱

於石

錦屏

石櫃

方輿勝覽曰錦屏山在城南對郡
治其山四合於郡山上有四院曰

碼碯寺羅漢院畫錦院西橋院後又築閣
風亭以眺望焉又曰石櫃閣在昭化

籌筆驛

相墨堂

廣輿記曰籌筆驛在廣元孔明出師駐此四川總志曰相墨堂在通江

堆香閣

重錦山

一統志曰堆香閣在府城內與敵萬樓對又曰重錦山在府東兩峰相對秀麗如錦

揚帆水

放船亭

一統志曰揚帆水在劍州與潼水合流泛漲奔注望之有如揚帆之勢

又曰放船亭在蒼溪杜甫詩曰送客蒼溪縣山寒雨不開直愁騎馬滑故作放船回以上保寧府

花

林木洞

廣輿記曰花林驛在忠州木洞驛在肥縣

櫃峽

鼎山

一統志曰櫃峽

在南川東南峭崖壁立上有洞洞中有一櫃往歲時聞斧斤聲有飛屑隨水下疑洞中有神物也又曰鼎山

在江

巴江

几水

方輿勝覽曰巴江在府東水折三回如巴字一統志曰几水在江

津環繞縣治如几字

綾錦山

金碧臺

一統志曰綾錦山在江津金碧臺在府治後

以上重

溫井

寒山

溫一統志曰溫井在開縣冬夏常

慶府

廣輿記曰寒山在巫山垂

崖千層絕壁萬丈其勢高寒荆

垂虹

噴霧

一統志曰垂虹

巖在達山有水自巖巔流下若垂虹馬廣輿記曰梁山蟠龍山中崖高數十丈飛濤噴薄如霧張商英遊此

題云泉味甘冽非陸羽不能辨范成大謂天下瀑布第一

虎鬚

龍脊

方輿勝覽曰虎鬚灘

在府西杜甫詩瞿塘漫天虎蹟怒又曰龍脊灘在府東岷江中狀若龍脊夏沒冬見

銅印

石鐘

一統志曰銅印山在梁山又曰石鐘山在大寧與二仙山相望上有巨石如鐘下有三星烟火之

蹟宛然父老以

清風

明月

一統志曰清風堂在達州宋知州申恪治郡圃

可遊者十今之清風堂休沐堂琴亭遊觀皆非其舊矣又曰明月澤在達州欲雨有聲晴亦如之邑人以此

占晴雨

千頃

萬流

一統志曰千頃池在大昌波瀾浩渺分為三道一道東流為井源一

道西流為陽溪一道南流為瀼水又曰萬流溪在巫山縣東以上夔州府

龍女井

鬱

姑臺

一統志曰龍女井在長寧昔人見小女出入井間坐石上以理髮故名廣輿記曰鬱姑臺在府北

宋楊真君遇鬱姑仙於此

芙蓉山

海棠洞

廣輿記曰芙蓉山在珙縣北衆峰聯秀形

如芙蓉一統志曰海棠洞在長寧

月波驛

雲臺山

廣輿記曰月波驛在宜賓一

統志曰雲臺山在南溪元廖蜀望詩雲臺突出衆山低小徑縈紆上石梯古寺獨存人寂寂斷碑惟覆草萋萋

滿空香散春蘭綻萬壑烟生曉樹迷為愛其間風景好登臨幾度杖青藜以上敘州府

龍源

馬湖

一統志曰龍源在沐川司山頂有潭嘗有龍潛于內又曰馬湖江在蠻夷長官司前源出沈黎相

傳昔有龍母潛湖內華陽國志云江之崖有五色赤白映水元黃魚從楚來至此而止畏崖映其水故也

上馬湖府鳳山虎溪廣輿記曰鳳山在府東方輿勝覽曰虎溪在真州長官司西南源

出播州紫霄碧雲一統志曰紫霄山在白泥長官委家里司東巍然凌於霄漢又曰碧

雲峰在宣慰司西四峯並峙中一峰廻出青碧如雲以上遵義府沈水湧泉一統志曰

沈水在射洪東南公孫述據蜀時令延岑盛兵於沈水即此又曰湧泉在遂寧西北玉壘銅壘之曲有泉湧

出灌漑壘飛鳥落馬一統志曰飛鳥山在中江旁之田又曰落馬崖在州南唐易元

子嘗乘馬至此崖上忽落馬躍入水中鵝溪龍穴方輿勝覽曰鵝溪在鹽亭其地產絹

龍穴一統志曰玉堂寶臺一統志曰玉堂山在遂寧峰巒聳秀氣象雄峙縣之

主山也 又曰寶臺
山在遂寧頂平如臺

洗筆

浴丹

一統志曰洗筆池
在中江水色如墨

相傳有仙人嘗於此洗筆 又曰浴
丹井在鳳凰山昔易元子浴丹於此

青石

白崖

一統

志曰青石山在蓬溪山有青石可為鐘磬采者必先祀
其神 廣輿記曰白崖山在射洪懸崖如屏又名玉屏

山川以上

雙井

三泉

方輿勝覽曰雙井在州北宋
紹興間掘濠塹得碑乃唐乾

潼川府

元間蘇得充所鑿
昔王大過鑿山濬泉榜曰西山三泉

一統志曰三泉在寶山嵌岩間
已上瀘州

霧山

雷洞

一統志曰霧山在大邑宋張俞詩霧山環
合似雲川戶有清溪種玉田 又曰雷洞

在峨嵋山有

蒲水

花溪

一統志曰蒲水在蒲江發
源名山下 又曰花溪在

七十三穴

夾江發源雅州瓦屋
山下 以上嘉定府

金堤

火井

紀纂淵海曰金堤
火井俱在臨邛

白鶴臺 青霞嶂

圖紀勝曰青霞嶂碧玉潭皆在臨

以上邛州

墓頤 熊耳

廣輿記曰墓頤山在城東形

出東郊渡玻璃游墓頤睂之故事也

又曰熊耳

金

釜 石倉

主簿於此鍊金丹故名又曰石倉在彭山

半山石壁間有崖竇如蜂房相傳竇中

繫龍 喚魚

方輿勝覽曰繫龍潭在彭山後漢人瞿君武入峨嵋得

掌魚輒羣出宋陸游詩春枕悠然夢

九折坂 七縱

橋 一統志曰九折坂在邛崃山路四峻回曲九折乃至

體奈何數乘此險後以病去及王尊為刺史至此問吏
曰此非王陽所畏道耶叱其馭曰驅之王陽為孝子王
尊為忠臣 廣輿記曰七縱橋
在榮經孟山下 以上雅州

四川省四

增詩唐王勃送杜少府任蜀州詩曰城闕輔三秦風煙
望五津與君離別意同是宦遊人 盧照鄰劍州送別
劉右史詩曰金碧禹山遠關梁蜀道難相逢屬晚歲相
送動征鞍地險綿川咽雲凝劍閣寒儻遇忠孝所為道
憶長安 岑參醴泉東谿送程皓元鏡微入蜀詩曰蜀

郡路漫漫梁州過七盤二人來信宿一縣醉衣冠溪逼
春衫冷林交宴席寒西南如噴酒遙向雨中看 王維
送楊長史赴果州詩曰褒斜不容幘之子去何之鳥道
一千里猿啼十二時官橋祭酒客山木女郎祠別後同
明月君應聽子規 又梓州李使君詩曰萬壑樹參天
千山響杜鵑山中一半雨樹杪百重泉漢女輸橦布巴
人訟芋田文翁翻教授不敢倚先賢 李白蜀道難詩
曰噫吁嘻危乎高哉蜀道之難難於上青天蠶叢及魚

鳬開國何茫然爾來四萬八千歲不與秦塞通人烟西
當太白有鳥道可以橫絕峨嵋巔地崩山摧壯士死然
後天梯石棧相鈎連上有六龍回日之高標下有衝波
逆折之洄川黃鶴之飛尚不得過猿猱欲渡愁攀緣青
泥何盤盤百步九折縈巖巒捫星歷井仰脅息以手撫
膺坐長歎問君西遊何時還畏塗巉巖不可攀但見悲
鳥號古木雄飛雌從繞林間又聞子規啼夜月愁空山
蜀道之難難於上青天使人聽此凋朱顏連峰去天不

盈尺枯松倒挂倚絕壁飛湍瀑流爭喧豨崖轉石萬
壑雷其險也如此嗟爾遠道之人胡為乎來哉劍閣崢
嶸而崔嵬一夫當關萬夫莫開所守或匪親化為狼與
豺朝避猛虎夕避長蛇磨牙吮血殺人如麻錦城雖云
樂不如早還家蜀道之難難於上青天側身西望長咨
嗟 又送友人入蜀詩曰見說蠶叢路崎嶇不易行山
從人面起雲傍馬頭生芳樹籠秦棧春流遶蜀城升沈
應已定不必訪君平 杜甫公安送李二十九弟晉肅

入蜀詩曰正解柴桑纜仍看蜀道行檣烏相背發塞雁
一行鳴南紀連銅柱西江接錦城憑將百錢卜飄泊問
君平 又閬山歌曰閬州城東靈山白閬州城北玉臺
碧松浮欲盡不盡雲江動將傾未傾石那知根無鬼神
會已覺氣與嵩華敵中原格鬪且未歸應結茅齋傍青
壁 又閬州歌曰嘉陵江色何所似石黛碧玉相因依
正憐日破浪花出更復春從沙際歸巴童蕩漿歌側過
水雞啣魚來去飛閬中盛事可腸斷閬州城南天下稀

又次鹽亭詩曰馬首見鹽亭高山擁縣青雲溪花淡

淡春郭水泠泠全蜀多名士嚴家有德星登臨意無極

好為老夫聽 又夔州歌曰中巴之東巴東山江水開

闢流其間白帝高為三峽鏡夔州險過百牢關 又曰

赤甲白鹽俱刺天問閣繚繞接山巔楓林橘樹丹青合

複道重樓錦繡懸 又曰灤東灤西一萬家江北江南

春冬花背飛鶴子遺瓊藥相趁鳬雛入蔣芽 又曰東

屯稻畦一百頃北有澗水通青苗晴浴狎鷗分處處雨

隨神女下朝朝 又曰蜀麻吳鹽自古通萬斛之舟行

若風長年三老長歌裏白晝攤錢高浪中 又曰聞風

玄圃與蓬壺中有高堂天下無借問夔州壓何處峽門

江腹擁城隅 又曰武侯祠堂不可忘中有松柏參天

長干戈滿地客愁破雲日如火炎天涼 張祐送楊秀

才往夔州詩曰鄂渚逢遊客瞿塘上去船南連萬里海

狹入一條天鳥影沉沙日猿聲隔樹煙新詩逢北使為

造幾巴牋 又送曾黯遊夔州詩曰不遠夔州路層波

灩澦連下來千里峽入去一條天樹色秋帆上灘聲夜
枕前何堪正危側百丈半山巔又送李長史歸涪州
詩曰涪江江上客歲晚却還鄉暮過高唐雨秋經巫峽
霜急灘船失次疊障樹無行好為題新什知君思不常
李遠送人入蜀詩曰蜀客本多愁今君是勝遊碧藏
雲外樹紅露驛邊樓杜魄呼名語巴江作字流不知煙
雨夜何處夢刀州李洞送東宮賈正字之蜀詩曰南
朝獻晉史東蜀瞰巴樓長棧懷宮相疎峰露劒州半空

飛雪化一道白雲流若次江邊邑宗詩為遍搜 李端

送夏侯審遊蜀詩曰西望煙綿樹愁君入蜀時同林宿

商客隔棧見樵師石滑羊腸險山空杜宇悲琴心本幽

怨莫奏鳳凰詩 又送友人遊蜀詩曰嘉陵天氣好百

里見雙流帆影緣巴字鐘聲出漢州綠原春草晚青木

暮猿愁正是風流地遊人易白頭 又重送鄭宥歸蜀

詩曰黃花西上路何如青壁連天雁亦疎為報長卿休

滌器漢家思見茂陵書 徐凝送馬向遊蜀詩曰遊子

去咸京巴山萬里程白雲連鳥道青壁遞猿聲雨露經
泥坂烟花望錦城工文人共許應記蜀中行 白居易
送武士曹歸蜀詩曰花落鳥嚶嚶南歸稱野情月宜秦
嶺宿春好蜀江行鄉路通雲棧郊扉近錦城烏臺陟岡
送人羨別時榮 耿漳送夏侯審入蜀詩曰暮峰和玉
壘回望不通秦更問蜀城路但逢巴語人石林鶯囀曉
板屋月明春若訪嚴夫子無嫌卜肆貧 鄭谷蜀中詩
曰馬頭春向鹿頭關遠樹平蕪一望閒雪下文君沽酒

市雲藏李白讀書山江樓客恨黃梅後邨落人過紫茅

間堤月橋燈好風景漢庭無事不征蠻 又曰渚遠江

清碧簾紋小桃花遶薛濤墳朱橋直指金門路粉堞高

連玉壘雲窓下斷雲翹鳳足波中濯錦散鷗羣子規夜

夜啼巴蜀不並吳鄉楚國聞 李頎送張諲入蜀詩曰

孤雲傷客心日落感君深夢裏蘼葭渚天邊橘柚林蜀

江流不到蜀路險難尋木有相思號猿多愁苦音 賈

島送睢州穆少府詩曰劒門倚青漢君昔未曾過日暮

行人少山深異鳥多
狄啼和峽雨棧盡到江波
一路白雲裏飛泉灑薜蘿
宋范成大夔州竹枝歌曰五月五
日嵐氣開南門競船爭看來
雲安酒濃麴米賤家家扶
得醉人迴又曰赤甲白鹽
碧叢叢半山人家草木風
榴花滿山紅似火荔枝天
涼未肯紅又曰新城果園
連壤西枇杷壓枝杏子肥
半青半黃朝出賣日午買
鹽沽酒歸又曰癭婦趁虛
城裏來十五五市南街行
人莫笑女粗醜兒郎自與
買銀釵又曰白頭老媪簪

紅花黑頭女娘三髻了背上兒眠上山去採桑已閒當

採茶 又曰百衲畬山青間紅粟莖成穗豆成叢東平

屯田秔米軟不到貧人飯甑中 又曰白帝廟前無舊

城荒山野草古今情只餘峽口一堆石恰似人心未肯

平 又曰灩澦如撲瞿塘深魚復陣圖江水深大昌鹽

船出巫峽十日泝流無信音 又曰當筵女兒歌竹枝

一聲三疊客忘歸萬里江邊有船到繡羅衣服生光輝

蘇軾送張嘉州曰少年不願萬戶侯亦不願識韓荆

州但願身為漢嘉守載酒時作凌雲遊 又寄黎耆州
詩曰膠西高處望西川應在孤雲落照邊瓦屋寒堆春
後雪峨眉翠掃雨餘天 陸游青霞嶂詩曰千巖角逐
互吞吐一峰拔起矜崔巍日光微漏見潭底水氣上薄
雲成堆

增銘晉張載劔閣銘曰巖巖梁山積石峩峩遠屬荆衡
近綴岷嶓南通邛犍北達褒斜狹過彭碣高踰嵩華惟
蜀之門作固作鎮是曰劔閣壁立千仞窮地之險極路

之峻世濁則逆道清斯順閉由往漢開自有晉秦得百
二并吞諸侯齊得十二田生獻籌矧茲狹隘土之外區
一人荷戟百人趨趨形勝之地匪親勿居昔在武侯中
流而喜山河之固見屈吳起興實在德險亦難恃洞庭
孟門二國不祀自古及今天命匪易憑阻作昏鮮不敗
績公孫既滅劉氏啣壁履車之軌毋或重跡勒銘山河
敢告梁益

貴州省一

增廣輿記曰按貴州古羅施鬼國其地不足以當中國
大郡明永樂中始置省嘉靖中始開科則其地之荒瘠
可知已 又曰貴陽都勻與廣西接壤銅仁偏處萬山
思州石阡孤懸一隅鎮遠平越當湖廣之衝黎平寄荆
楚之裔惟思南以江通舟楫商賈行旅不甚蕭條近則
水西臣服增設平遠太定黔西威寧四府幅員既廓反
側全消規模迥殊前代矣

貴州省二

增廣輿記曰貴陽府禹貢荆梁二州之南境天文參井

分野本西南夷羅施鬼國地漢屬牂牁郡宋置大萬谷

樂總管府元改順元路初隸四川後隸湖廣明初設貴

州宣慰使司隸四川永樂間置貴州初設程番府後改

貴陽府 國朝因之領州三

開定番廣順

縣四

貴筑龍里貴定修文

又

曰安順府古荒服地元置習安州屬雲南普安路明初

為安順州後改為府 國朝因之設州三

普安永寧鎮寧

縣五

普定清鎮安平

又曰都勻府古西南夷地元置都雲安撫

司明初為都勻衛成化間改都勻府 國朝因之領州

二麻哈縣二

獨山縣二 清平

又曰鎮遠府禹貢荊州之南境舊為

大田溪洞元明為鎮遠府 國朝因之領縣二

鎮遠 施秉

又

曰黎平府禹貢荊州荒裔天文翼軫之餘分野在夜郎

界漢屬牂牁五代時思州田氏據其地元置潭溪長官

司明改黎平府 國朝因之領縣一

永從

又曰思州府秦

為黔中地漢屬武陵郡唐曰思州曰寧夷元為思州安

撫司地明初置思州宣慰司永樂中改思州府 國朝

因之又曰思南府禹貢荊州荒裔春秋戰國屬楚秦為黔中地漢屬武陵郡隋曰務川唐曰務州曰思州曰寧夷宋為羈縻州元為思州安撫司明為思南宣慰司永樂中為思南府 國朝因之領縣三

安化婺川印江

又曰石阡

府禹貢荊州南裔唐曰夷州曰義泉元置石阡長官司

明為石阡府

國朝因之領縣一

龍泉

又曰銅仁府禹貢

荊州南裔天文星分野古為溪蠻地元置銅仁長官司

明改銅仁府

國朝因之領縣一

銅仁

又曰威寧府古羅

甸鬼國向為安氏居之相傳為傲象遺裔 國朝平其

地改設黔西大定二州平遠永寧畢節三縣又曰平越

府禹貢荆揚南境秦屬黔中號黎峨里歷代叛服不常

明初置平越衛軍民指揮使司萬厯間改為府 國朝

因之領州一

黃縣四

平越甕安
湄潭餘慶

又曰貴州宣慰司禹貢

荆梁二州之南境天文參井分野古西南夷地漢為羅

甸國元屬順元宣慰司隸湖廣明改貴州宣慰司領長

官司九又曰新添衛古荒服地宋為新添路元屬湖廣

改屬雲南明置新添衛領長官司五又曰威清衛秦漢黔中地唐宋屬羅甸國明威清衛又曰平壩衛古西南夷地唐宋羅鬼國明平壩衛又曰安莊衛唐宋屬羅甸國元永寧鎮寧二州地明置安莊衛又曰凱里安撫司古蠻夷之境唐置蘭州元為永寧路明初設普市守禦千戶所後改凱里安撫司

貴州省三

增清水 烏江

一統志曰清水山在宣慰司東兩岸壁立水深莫測又曰烏江河在宣慰司

北湍流洶悍乃貴播之
界河其南岸有烏江關

銅鼓

石門

一統志曰銅鼓山在宣慰司城

東每陰雨聞山中有聲如銅鼓
慰司城東絕頂二石對立儼如門焉

又曰石門山在宣慰司城

紅崖

白水

廣輿記曰紅崖山在永寧州募役司懸崖壁立萬仞山半有洞深數十丈相傳諸葛

武侯駐兵之所一統志曰
白水河在永寧州募役司

清水井

碧波橋

一統志曰

清水井在寧谷寨長官司
東又曰碧波橋在府東

三一溪

十二營

廣輿記曰三一

溪在普安州東其源有三一出沙莊一出雲南坡一出
自前山三流合入於城州水洞又曰十二營司隸鎮

寧州以
上安順府

衆山環遶

一水縈流

都勻衛志云東拒播州西連龍里北

通平越南抵南丹衆山環遶一水縈
流而奉衛居其中焉以上都勻府

紫岡

清浪

一統

志曰紫岡關在府西北
又曰清浪關在府東

鐵溪

石屏

廣輿記曰鐵溪在府西產異蟹

一統志曰石崖山在府北屹然
壁立狀如列屏 以上鎮遠府

四塞

六疊

一統志曰

四塞山在府西南 又曰六疊山在新化
長官司西盤迴六疊至頂 以上黎平府

青山
烏

江一統志曰青山在府北
府西源出自四川播州 又曰烏江在

雙江渡

獨巖山

一統志曰雙江渡在府西南崖峭水深渡以
小舟 又曰獨巖山在府西 以上銅仁府

響水

福泉

廣輿記曰響水河在畢節城東懸崖飛瀑
數十仞有聲如雷下注成河一碧萬頃

又曰福泉在畢節
城內甘冽異他水

蜀狼

黔蠱

廣輿記曰水西地於
填為咽喉之病於蜀

為戶牖之狼於黔為腹心之蠱今則以化外不
臣之俗變為聲名文物之區矣 以上威寧府

貴州省四

增詩元范梈貴州詩曰離思久不愜幽情晚旋添天宜
明月獨山與宿雲兼蛩語通支柱蛛絲映卷簾若無光
霽在何以破朱炎 明郭登普安道詩曰竹暗籐荒路
欲迷一重山度一重溪枯槎偃蹇如人立蠻語侏僂似
鳥啼花底雨晴飛蛺蝶水邊冬暖見虹霓祇應風味堪
題處三寸黃柑壓樹低

雲南省

增廣輿記曰按雲南自楚蹻開疆秦政通道始入中國
唐之世南詔自王命將征討全軍盡沒宋鑒唐禍以玉
斧畫大渡河絕不與通蒙氏段氏遂通僂僂諸夷以長
世逮元及明其地始盡入版圖犬牙相制漢夷雜處政
布教行浸浸與中原比盛矣 又曰雲南大理潞江永
昌鶴慶楚雄頗號沃壤元江路納交趾曲靖彈壓烏蠻
騰衝地擁百夷麗江遠接吐番順寧外通緬甸惟東境
貴州斯為內地耳

雲南省二

增廣輿記曰雲南府禹貢梁州之界天文井鬼分野古
徼外西南夷所居楚莊蹻西略王其地號滇國漢曰益
州武帝朝彩雲見南中雲南之名始此蜀漢曰建寧晉
曰寧州隋曰昆州唐初曰南寧後為蒙氏據分立六詔
而南詔最彊元曰中慶明置雲南府 國朝因之領州

四 嵩明晉寧 縣七

昆明富民宜良呈貢羅次祿豐易門

又曰曲靖軍民府

禹貢梁州之界天文井鬼分野漢夜郎味縣地蜀漢曰

興古梁曰西襲唐曰南寧曰曲州曰靖州後據蒙氏曰

石城元立宣慰司曰曲靖明為曲靖軍民府 國朝因

之領州五

霑益陸涼羅平馬龍尋甸

縣二

南寧平彝

又曰臨安府禹貢梁

州之界天文井鬼分野古句町國漢牂牁郡地唐南詔

蒙氏置通海郡宋段氏曰秀山元收附曰阿剌屬臨安

明為臨安府

國朝因之領州四

建水石屏阿迷寧

縣五

通海河西

嶠峨蒙自新平

又曰澂江府禹貢梁州之界天文井鬼分野古

西南夷戰國為滇地漢立俞元縣屬益州隋曰昆州蒙

氏曰河陽元曰潞江明為潞江府 國朝因之領州二

新興路南縣二

河陽
江川

又曰廣西府禹貢梁州之界古滇國東

南境漢為益州牂牁地唐曰羈縻州元置宣慰司曰廣

西明為廣西府 國朝因之領縣二

師宗
彌勒

又曰廣南府

宋時名特磨道儂智高之裔居此元立廣南宣撫司明

為廣南府 國朝因之又曰元江軍民府古西南夷極

邊之境唐時南詔屬銀生節度宋儂智高之黨竄此元

始內附曰元江明為元江軍民府領長官司一 國朝

為元江府又曰楚雄府禹貢梁州之界天文井鬼分野

戰國屬楚為滇國地漢屬益州晉曰安州唐曰傍望宋

元曰威楚明為楚雄府 國朝因之領州二

南安鎮南

縣四

楚雄定遠廣通定邊又曰姚安軍民府本滇國地漢置弄棟縣屬

益州唐曰姚州元曰姚安明改姚安府 國朝因之領

州一

姚

縣一

姚大

又曰定武軍民府禹貢梁州之界天文

井鬼分野古滇國地漢屬益州隋曰昆州唐屬戎州宋

為段氏所據元曰武定明為武定軍民府 國朝因之

領州二

和曲
祿勸

縣一

元
謀

又曰景東府古徼外荒僻之地曰

柘南唐時南詔蒙氏立銀生府元曰開南明置景東府

國朝因之又曰順寧府本蒲蠻之地名慶甸宋以前
不通中國元始內附置順寧府明及國朝因之又曰

大理府禹貢梁州之域天文井鬼分野三代時國曰昆
彌春秋屬楚漢武帝開西南夷此為益州郡蜀漢曰葉

榆唐曰姚州天寶後為蒙氏所據曰南詔五代段氏曰

大理元始內附置大理府

國朝因之領州四

趙鄧
川賓

川雲縣二太和雲南又曰蒙化府漢為益州郡地唐屬姚州

自蒙氏細奴邏築城號蒙舍詔永泰初曰陽瓜元曰蒙
化明為蒙化府國朝因之又曰永寧府古名樓頭賧
地接吐蕃又名答籃唐時屬南詔蒙氏宋屬段氏元始
內附置永寧州明為永寧府領長官司四國朝因之
又曰永昌軍民府禹貢梁州西南徼外之地古哀牢國
漢武帝置不韋縣東漢曰瀾滄曰永昌唐開元後南詔
據宋段氏高氏據元立金齒宣撫司明初立金齒衛仍

置府後省府改衛為軍民指揮使司嘉靖中改為永昌

軍民府 國朝因之領州一

騰越縣

二保山永平

又曰麗江軍

民府禹貢梁州之界天文井鬼分野漢為越嶲益州地

隋唐屬嶺南州元曰麗江明為麗江軍民府 國朝因之

又曰鶴慶軍民府東漢屬永昌郡唐時越析詔地曰鶴

川元曰鶴慶明為鶴慶軍民府 國朝因之領州一

劍

又曰開化府舊為馬龍他郎二甸地阿剌諸部蠻所據

元內附為千戶所明初為馬龍他郎甸長官司後改為

新化州 國朝改開化府又曰鎮沅府古西南極邊地

濮洛雜蠻所居唐時南詔為銀生府地元初內府屬威

遠州明置鎮沅府領長官司一 國朝省止設經歷司

以治之又曰孟定府舊名景麻元立為孟定路明改置

孟定府領安撫司一又曰孟艮府蠻名孟指自古不通

中國明始內附置孟艮府又曰北勝州戰國兩漢屬白

國唐貞元中南詔異牟尋始開其地名北方賧徙瀾河

白蠻及羅落麼步諸蠻實其地號曰劔羗元置府曰北

勝明改為州 國朝因之又曰威遠州唐南詔銀生府之地舊為濮洛雜蠻所居元置威遠州明因之又曰灣甸州蠻名細賧元內附屬鎮康路明置灣甸州編戶五里又曰鎮康州蠻名石賧本黑棘所居元內附立鎮康路明初為鎮康府尋改為州又曰大侯州蠻名孟祐白夷所居元屬麓州路明初立大侯長官司後改為州又曰者樂甸長官司漢時為荒服地唐屬馬龍他郎二甸元隸元江路明置者樂甸長官司又曰瀾滄衛軍民指

揮使司元為北勝州地明置瀾滄衛領州一又曰騰衝
軍民指揮使司漢為永昌郡西境即越賧地元置府曰
騰衝名為騰衝軍民指揮使司又曰車里軍民宣慰使
司蠻名車里倭泥貉獐蒲刺黑角諸蠻雜居自古不通
中國元遣將降之置徹里路明初設車里軍民府尋改
宣慰使司又曰木邦軍民宣慰使司舊為孟都一名孟
邦元置木邦路明初改木邦府後改軍民宣慰使司又
曰孟養軍民宣慰使司地名香柏城元置雲遠路明初

改為府後尋改孟養軍民宣慰使司又曰緬甸軍民宣慰使司古西南夷不知何種其地舊有江頭太公馬來安正國蒲甘緬王五城元置邦牙宣慰司明改緬甸軍民宣慰使司又曰八百大甸軍民宣慰使司世傳土酋有妻八百各領一寨因名八百媳婦元初征之道路不通而返明內附八百大甸軍民宣慰使司又曰老撾軍民宣慰使司俗呼曰撾家古即越裳氏明永樂初內附立老撾軍民宣慰使司又曰南甸宣撫司舊名南宋元

置南甸路明初為南甸府永樂改為南甸州正德間改
宣撫司又曰干崖宣撫司其地舊名干賴賧隸夷居之
元內附置鎮西路明初為鎮西府復改干崖宣撫司又
曰隴川宣撫司舊為麓川地皆隸夷所居元麓川路明
初置麓川緬宣慰司正統間土酋思任發叛討平之革
其司後復置隴川宣撫司與龍把又曰鈕兀長官司蠻
名也兀自古不通中國明宣德間歸附立鈕兀長官司
又曰芒市長官司其地舊曰怒謀曰大姑賧曰小姑賧

即唐史所謂茫施蠻也元內附立茫施路明初置茫施府後改為芒市長官司

雲南省三

增星宿

雲津

一統志曰星宿河在祿豐源出武定府廣輿記曰雲津橋在府城東

金馬

玉龍

廣輿記曰金馬山在府東世傳金馬現於上又曰玉龍山在羅次中有碧石竇湧

泉如玉龍

碧雞

白鶴

一統志曰碧雞山在府西東歷漢澤蒼壁萬丈綠水千尋月印澄波

雲橫絕頂雲南一佳景也漢宣帝時方士言益州有金馬碧雞可祭祀而數遣王褒往祀至蜀而卒顏師古謂金形如雞碧形如馬未知果否元張雄飛詩北闕辭丹鳳雲南看碧雞紫苔移玉座瑤草溼金泥雨霽龍歸洞

風生虎渡溪尋梅穿竹徑採藥躡松梯 又曰白
鶴山在三泊相傳有鶴巢其上 以上雲南府 火

井

溫泉

一統志曰火井在阿迷州東北其火溢出於
田常有烟氣投以竹木則燃夜則有光 又

曰溫泉在治西水如湯每春暮郡人浴三日乃歸謂之
祛疫又西北四十五里及三州四縣俱有之 以上臨

安府 玉筍 金蓮 廣興記曰玉筍山在府西南屹立撫
仙湖上危峰獨秀狀如玉筍 一統

志曰金蓮山在府內一名龜山高 龍川 鳳山 廣興
圓平正若蓮花然 以上潯江府 記曰

龍川江在府北 一 赤石 青峰 一統志曰赤石山
統志曰鳳山在府西 在定遠山多赤石

林木陰翳延亘二百餘里 又曰青峰山在府城北上
有一石高八尺廣半之數人搖之則動百人拽之不倒

楚雄府 鳳羽 龍首 一統志曰鳳羽山在浪穹舊名
以上 羅浮山相傳蒙氏細奴邏興時

有鳳翔于此 又曰龍首關在點蒼山北元王明嗣詩
萬里雲南道壯哉龍首關氣吞西洱水勢軋點蒼山井
絡標雄鎮坤維綺大開周
章無六詔俯仰了羣蠻
玉案 鐵柱 廣輿記曰玉

案山在葉榆

河東崖上刻云此水可當兵十萬昔人空有客三千司
馬相如至此上疏開益州 一統志曰鐵柱在白崖城
蒙氏所鑄名曰建極又鑄鐵笠覆於頂土人號天尊
柱歲貼金其上祭之邀福俗以為諸葛亮鑄者非

金沙江

玉泉井

廣輿記曰金沙江在賓川水經謂之
若水 一統志曰玉泉井在趙州北

元楊廷碑世祖征南駐兵于此時久旱軍士咸渴
世祖懇禱以劍插地清泉湧出 以上大理府


金

華石寶

一統志曰金華山在劍川山脉自西番界羅
均山盤曲而來延亘二千餘里山頂帶紫色

如金 又曰石寶山在劍川西南層崖峭壁上有石坪
方數十畝昔為高僧養道之所中有羅漢跡 以上永

昌府



御定淵鑑類函卷三百三十九